

KADI KWÊNÀ MUCIMANYÈ TO



Twasàkidila, Mwanèètù Neville. Mukalenge àkubènèshè. Ndi mubwele mu cintu kampànda's, kî mmwômò anyi? Ndi muswè kusàkidila Mukalenge, bîmpè menemene, bwà dicyùkà dyà mwànà wa balùme wa Mwanèètù Capps. Mbyenzèkekù ànu ne eci ke cikondo cikesè cîndi mwalùkile mu Indiana emu. Ndi mumanyè ne kabèèna munkaci mwà kukwàta eci pa mikàbà to; ndi ncinka ne kabèèna bàcikwàta to. Ne pa nàнку ncyèna mmòna muntu nànsha umwe muntwamu to, nàнку bôbò... Ndi mwalùkile bwà kuya kazomba nshindì. Ne pa nàнку ndi ngèèla meeji ne nebikengelè bwà Charlie kuntwàlayè, yèyè ne Nellie, ne bakwàbò abu mu Kentucky mwàmwa, mpindyewu bwà ditùkù dimwè anyi àbìdì, bwà kulemba nshindì. Pa nàнку, mbipicìibwe ne mèmè mupangè cintu kanà cyònsò, dipicisha dyà dîbà dyà mùshindù mukwàbò kanà wònsò ewu edì, pashìishe kulwa munwemu lwà munkaci mwà ngondo wa Cìmungu wa mashika, ne kuya kalemba nshindì ne Charlie ne Banks, ne bònsò abu. S'ncintu cyà cilèlè bwànyì mèmè. Nènku mèmè kwangata Joe...

² Patùvwà mwab'ewu musangu kampànda, muntu yònsò kusaamayè, dishintuluka dyà kuumuka kuulu kùvwà ne luyà lukolè kuntu kwàka kupweka eku—eku kuulu kùdì kwà citeleela kunùdì naakù munwemu eku's. Ndi mumanyè ne nudi nwela meeji ne eku kakwèna ne citaleela to, kàdi didìngaa'yibì nùlwe musangu ùmwè cyanàànà mu Arizona mwàmwa's. Luyà lùvwà lwà cipimu cyà makumi ànaayi ne isàtù pàvwà kuulu kutalèle mu dindà dingàkuumukà adi; kàdi pabwipì ne mundankùlù, bufùkù, dîbà didì lupeepèlè lwà citeleela lùfùmina ku mikùnà adi, luuya lùcìvwa ànu lwà makumi asàtu ne isàmbombo. Uh-huh. Nwamònu's, amu's mmundaankùlù, pàkaavwà cipeepèlè cyà citaleela cipweka. Nènku cidi... Awu mwaba mmwimpè mu movù wà mashika, kàdi ngwà tumìnyimìnyì ne mìsodyà mu movù wà luuyà, kî mbwà bantu to. Nànsha nyama yònsò yìtu yìya ku mikùnà. Kayèna ànu mwà kucitwàla to.

³ Nènku mvwa pambèlu munkaci mwà kukùma butà bwànyì bukesè. Ndi... Mu mishindù kampànda ndi muswè ànu kunwàmbila bwalu bwà mwànà wa balùme wa mwà baa Capps. Ki mèmè kwamba... Nènku, Joe, nebikèngele ànu bwà mèmè kumupèèsha cingoma, bwalu yèyè udi mwà kwasa nyama kuntàmba mèmè. Tuvwa twasamù, ne mvwa—mvwa ngèndesha tusonso mu ntàntà wa mètres makumi ànaayi ne àtaanu. Ki mèmè kwa—kwambila Joe... Joe kwambayè ne: "Papa, ngèèla meeji ne ndi mufwànyìne kwenza nàнку." Kakwàcikwètù aku kàvwà ne mutù ùsaama. Mvwa munkaci mwà kumusambidila, mubidi kapyà wa dikèmà. Wàkapàtuka kuya naanyì ku mwaba

wà kuteetela bingoma, nènku mêmè. . .

⁴ Mu bucyàmà bwà ìbìdì pa dikumi mu cingoma cyà .22, cìdì cisambuka mulongo wà ndudì mu bule bwà mètres makumi àbìdì ne àsàtù; nànsha kàbìdì bwà mètres makumi ànaayi ne àtaanu, bídì ànu byà mwomùmwe, cyòci ciikàle cyà ìbìdì pa dikumi. Pa nàнку dìbà adi. . . Nènku mvwa muciludìkile mu ntàntà wa mètres makumi àbìdì ne àsàtù. Ki nàнку awu kùvwa kunshàadile tusonso tukwàbò ki mêmè kutùjiika twònsò atu, bu Joe kàyì mutùjiike twònsò atu's! Ncìvwa ne tusonso tukwàbò kàbìdì to, pa nàнку mêmè kutèeka kapese kakesè kàà kankudiimba kàà diima mwaba awu kàtù baashi bàà nyama ne nyuunyì bàlongela ndudì, kiikàle ànu bu byàdikùmi bisambombò byà centimètre mu bucyàmà, ne kukàtèeka pambèlu mu ntàntà wa mètres makumi ànaayi ne àtaanu, ne kukàpandululayè tupesa túbìdì. Nènku tulòndò tuvwa tuntèekela bwà mèsù àanyi mêmè, pàanyi ne ndambù wa bidimu bipìcilaku byèndè. Ki yèyè ne: “Udi mumanyè mùdì bwalu anyi? Ndi ne cyà kuya kambila Billy ne àndekèlèku kwambwila ku mpindyewu.” Nwamònu anyi?

⁵ Pa nàнку, ki mêmè kwamba ne: “Èè, nènkwambilè mùdì bwalu,” yèyè ne, “tùpwekè tùye kaleeja Mwanètù Norman cyòci aci.”

⁶ Mêmè ne: “Joe, mu ditembangana dyà buloba bujimà, nànsha yèyè mufwànyine kwikala nganyi, muntu nànsha umwe. . .” Mpindyewu, tusonso katùvwa tuyè ku luseke to, tùvwa tubweke buludì ànu mu disoso. Nènku kapesa aku, kakàyì kasambuke to, ngèèla meeji, byàdikùmi bisambombò byà centimètre, ne mupimbu wà millimètres yìbìdì, ne byàdikùmi bisambombò byà centimètre yà butùmbùke, yèyè kucikòsolola bitùpà bibìdì, mu mètres makumi ànaayi ne àtaanu. Mêmè kwamba ne: “Kakwèna muntu nànsha umwe pa buloba apa udi mwà kwikala mwàsà ne ndudì kupita aci to. Bàvwa mwà, bampilù abu's, bàvwa mwà kwikala benze cintu cyà mwomùmwe aci, kàdi kùvwa mwà kwikala mwàsè misangu yìsàtù kubàpita yèndè ayi to.” Tusonso, katùvwa tukònyangaja to, tùvwa ànu twenze tusòsò tukesè mu dibèji mwaba ùvwà tusonso atu tupìcile. Ki mêmè kwamba ne: “Kakùvwa muntu nànsha umwe ùvwa mwà kwikala mukùme bì—bìmpè kupita apu to.” Èyo. Ndi ngèèla meeji ne mutù wèndè ùvwà ùmusama awu kumushiilawù kaaba dyàkàmwè.

⁷ Ki mêmè ne: “Èè, tùyaayi tükaleejè Mwanètù Norman cintu eci,” udi ukwàta mudimu mu *Field And Stream*, màkàjiinyi à bintu byà manayi à Mwanètù Tony Stromei.

⁸ Yèyè ne: “Twànji tùyebi dyàmbedi kwà Billy.” Yèyè ne: “Ndi—ndi muswè ànu kwambila Bubby cintu kampànda.” Nwamònu anyi? Nènku, mu bulelèlè, mwanààbù kàvwakù mwanji kukùma cingoma ne ndudì yà nàнку to. Ki kwambayè ne: “Twànji tùpìcileku dyàmbedi.”

⁹ Nènku ndi mwenze ànu mbwela mu ciibi amu, Billy ùcìvwa ànu mu pijàmà wendè. Ki yèyè ne. . . Twètù kupweka kumpàla kwa díbà, bwalu kùdi kwenza luuyà lukolè be. Ki yèyè kwamba. . . Tèlèfonè kudilayè. Ki mèmè kwamba. . . Yèyè kwenza bu kungooshayè dísu mùshindù ewu. Mèmè ne: “Pàmwápa dibìikila dyà babèèdi.” Kàdi ùvwa Mwanèètù Capps bwà mwanèndè wa balùme, díbà adi mu nzùbu wa dipandilangana, ne dísaamà dyà kalwalwalwa ne kalembèlèlè mùshindù awu. Nènku ànu mpindyewu ewu nyèwù ùfùma ku dingambila ne mwanèndè wa balùme ùdi wènda ùsàngala bîmpè menemene, bîmpè menemene.

¹⁰ Pa nàнку, nudi bamòne mùdi Nzambi ànu mwenze cintu aci, nànsha mene mu díyì dyà mwànà mukesè wa balùme awu, Joe? Pamutù pàa kupweka kwà Mwanèètù Norman, uvwa kàyì mwà kwikalaku to, ne kulwa babànde. Ki Mwanèètù Capps ne mèmè kutuutakeena. Ncyènà ngàmba ne mmasambila ètù àvwà mènze cintu aci to, kàdi cìvwa cimwenzèlekù yèyè cintu kampànda bwà twètù kwenza ditwilangana dyà mùshindù awu. Nènku, bwà kwamba menemene, ke cidi. . . Pàdìbi bìkèngela bwà wèwè—wèwè kwikala ne diitabuuja mu cyùdi wenza. Nwamònu anyi? Nènku, aci, diitabuuja dyèndè bwà kubìikila, ne Billy ùvwa. . .

¹¹ Bàvwa munkaci mwà kwela mfrangà. Yèyè ne: “Eci cidi ne cyà kwikala dibìikila dyà ntàntà mule menemene,” yèyè ne, “ùvwa munkaci mwà kwela mfrangà yìpacila ku ndola yìtaanu yà bicyele bwà muyiiki mu túsàtù. . . bwà dibìikila dyà tusunsa túsàtù.” Ki mèmè kudyàmbidila ne dívwa mwà kwikala dífùmina ku New York anyi pambèlu mu cimwè cyà ku bisanga anyi cintu kampànda. Kàdi yèyè wàkenza dibìikila dyà buludiludi kùdi muntu, bwà kupeta Billy pamutù pàa Loyce, nudi numòna’s, nènku ki cyàkamutùùdishà mfrangà bwà kwenzayè nàнку.

¹² Nènku mpindyewu mwanèndè wa balùme ùdi munkaci mwà kusànguluka. Mwanèètù Capps kwambayè ne ngàngàbukà ùvwa mumupèeshe ditèkemena díkesè bwà yèyè kupàtukayè mu bwalu abu, nudi numòna’s, ku dipandiibwa adi. Nènku tudi ne kusàkidila kùdi Nzambi mu dindà emu bwà cyòci eci, ne disànkà dyàbúngì bwà bwalu abu.

¹³ Mpindyewu, twètù kubwela, twipacila ku kabundubundu mu dindà emu, nènku mvwa mulààle mèbà matwè ku àsàtù, nènku—nènku ndi mucyòke bikolè be. Kàdi pàvwà èkèleeziyà. . . pààlu díbà dyà kulwa mu èkèleeziyà, mòna’s, mèmè kupweka.

¹⁴ Nènku bu Mukalenge mwà kwanyisha, mpindyewu bìkèngela nye ku Kentucky, bu mûngàmbi. Pashìishe mvwa mulayè bwà kwakula mu dyàlumingu pàmvwà ne cyà kwalukila mwab’ewu, ne mvwa ne cyà kucyènza bîmpè dyàlumingu dìdi dílonda edi, bwalu dyàlonda dyàdya nengìikale. . . ndi ne cyà kwalukila. Bwalu nengùumukè cyàkàbidi, mutàngile ku Canada.

Pa nàнку mbitàmbe bwîmpè mêmè kucyènza dyàlumingu didi dilonda edi, nènku mmu dyàlumingu didi dilonda edi mu dindà.

¹⁵ Ki Mwanèètù Neville kwambayè ne: “Bwà cinyi kùyikù ànu upátuka welakù bantu myoyi, ne uyiikilakù naabò bwà katanci kakesè cyanààna?”

¹⁶ Mêmè ne: “Mwanèètù Neville, ncyèna nànsha mwanji kukàngula Bible wanyì to, nànsha mene.” Mêmè ne: “Ndi . . .”

¹⁷ Yèyè ne: “Èè, pàtukà ùbǎmbilèku cintu kampànda.” Nènku, Mwanèètù wa bakàji Neville, mêmè—mêmè—mêmè ncyèna mumanyè mùdi ucyènza to. Yèyè mmuntu wa ùswishangana bikolè. Kàdi pàvwà . . .

¹⁸ Ncyèna ne mpùngà wa kwamba edi pàdi bantu batùule bapùwe, bungwile tengatenga, ne byònsò ebi to, kàdi ndi ne kusàkidila kwàbùngi kùdi Nzambi bwà mpaasàta bu Mwanèètù Orman Neville ewu. Wa lulamatu, ànu wa lulamatu ne mwèndè mwònsò, bwà Kiipàcilà, ne kacya ncutukù mwanji kumumvwa ùnunganè. Mwa musòmba lwà paanyimà pààpa . . . Mêmè e kwenza nendè muyiiki mulenga wà citùpà cijimà cyà dîba pàmvwà nsànkidila Mwanèètù Mann, ne pa nàнку nèmmbwambilè byàbùngi pa bwalu abu patwàbwela mu Colorado cidimu eci. Nàнку patùvwà tusankila diyiisha dyèndè adi apu, ki mêmè kwenza muyiiki mwîmpè ne Mwanèètù Neville. Mêmè ne: “Ncyèna nànsha mufike ku dyambila bantu kantu nànsha kàmwè pa bìdi bitàngilà mpaasàta wetù mulenga ewu to.” Mêmè kwamba ne: “Bantu bàdi neebè bìmpè anyi?”

Yèyè ne: “Bilenga bilaya.”

Ki mêmè ne: “Èè, ke cîndi ne disànkà dyà kuumvwa.”

¹⁹ Dîbà didi mpaasàta musànkishìibwe, ne cisàmbà cisànkishìibwe, cidì cyènza èkèleeziyà mwîmpè menemene, nènku dîbà adi Nzambi mmusànkishìibwe. Ne ndi ngèèla meeji ne, pa kubàmòna basànkishìibwe pàmwè, nangànangà mu ditùkù edi dyà Mukenji wutùdi tutwàla ewu, Ndi ngèèla meeji ne aci cidì cileeya ntùngunukilu wa Mukenji pàmwè ne bantu ne Nzambi. Nwamònu anyi?

²⁰ Ne ndi ne kusàkidila kwàbùngi bwà Mwanèètù Orman Neville, ne mukàjèndè mulenga ne dikù dyèndè. Nènku ndi ndòmba bwà Nzambi àbàlamè ne lulamatu kùdi Ye ne Kiipàcilà. Nènku bu byòbì mwà kutàmba kuMusànkisha, twìkalakù biimàne mu tabernacle emu pààlwà Mukalenge Yesù bwètù twètù, nudi numòna’s, bwà kuya neetù ku Dyambwibwa. Tudi tutèkemenà ne bùbìdi bwètù netwikale bakulàkàje bikolè, Mwanèètù Neville, mu mùshindù wà ne ewu neikalè ne dibòko dyela mukwàbò, ne biimàne mwaba awu ne makombo ètù, baciikàle tuteeta ànu bwà kushààla bakwàte. Nwamònu anyi? “Pashiishe netùshintulukè, mu katanci, mu mubùnyi wà dîsù.”

Ne mizàbi yà kalè yà musunya eyi,
 netyìmacishe, ne kujuuka
 Ne kubàkula difutu dyà kashidi,
 Ne kwela mbilà, patwìkalà twenda tupìcila mu
 lupeepèlè,
 “Washààla bímpè, washààla bímpè, dìbà
 dipòlè dyà disambila!”

Twètù kubànda dìbà adi.

21 Mvwa muumvwe bàmba bwà dyondopiibwa dyà Mwanèètù Coomers dyà kùdì Mukalenge, ne ndi ne kusàkidila kwàbùngì bwà bwalu abu. Bintu byàbùngì be. Pa nàнку ndi ne kusàkidila bwà kwìkala kaaba aka mu dindà emu. Ki mèmè kudyàmbidila ne, pamutù pàà. . .

22 Ntu misangu yònsò ndwa kaaba aka ne cyena-bwalu kampànda, ne ngààkula. Mvwa ndyàmbidila ne ndi mufwànyine ànu—ànu kulwa mu dindà emu. Ki mèmè kwamba ne: “Mwanèètù Neville, nèntàngilè ntanku awu ànu bipeepèlè nùнку, ne pàmwàpa nèndekelè bantu pa dìbà, nèнку ndi nkwanbilabì byumukila mu mwoyi wànyì, kùkaadi tusunsa tukesè; ànu bintu bìdì, bitùdì ànu naabì. . . To, kabèèna bàbìkwàta pa mikàbà yà mèyì anyì ní ncinyì to, pa nàнку tudi ànu ne bwobùmwe dìbà didìku ànu mikòòkò yà èkèleeziyà ewu, nudi numòna’s, tudi ànu twètù nkàyeetù pàmwè.”

Pa nàнку túsambilàayi.

23 Yesù munanga, tudi ne kusàkidila Kùdì bwà dyèsè ditùdì naadì dyà kudìsangisha pàmwè kaaba aka. Nèнку, kaa, pàmvwà mutàngilè tabernacle ewu bwebwebwe mu dindà emu, paanyimà pàà mundankùlù, mèmè kupìta mwaba awu, mèmè kwela meeji ku mùshindù Ûdì mumutwè mpànda.

24 Nèнку ndi mvùluka cijibajiba cyà kale civwà mwaba ewu aci, ne bisoosa bibì binène byà kale biimàne kuulu, pabwìpì menemene ne mwaba ùdì cyambilu eci cisanganyiibwa. Mèmè bu mwànà mukesè, mvwa—mvwa mwimàne kaaba aka. Mukalenge Ingram kwambayè ne tuvwa mwà kupeta lupangu elu ànu ku mfranga mikesè cyanàànà, ne kudyànjila kufutaku ndambu; kàdi kakùyì mfranga, kakùyì cyeyà, anyì cintu kampànda cyà kufila to, kàdi ànu kuteeta cyanàànà. Mùshindù ùvwàbì, dìbà adi, bu mùvwà musinga wònsò mukaabujimà ùvwa kuulu kwà ndola binunu bibidì; yà kufuta kujikija mu bidimu makùmi àbìdì.

25 Nèнку mpindyewu, Mukalenge, citàngilaaku mpindyewu! Pàcivwàye ku mbangilu kwèndè, mucìikàle musòmbele mu bimpòkònòmpòkònò mwab’ewu, màyì bibwelamù; mùshindù Uwàkatùlaya, ku Dìyì ne: “Mèmè Mukalenge ngudi mucikùne, Mèmè ngwacìmyamina màyì muunyà ne bufùkù, bwà muntu kàlu kucìnyènga mu byanza Byànyì nànsha.”

26 Piine apu, bantu bàvwa bàmba ne: “Mu ngondo yisambòmbò, necyàndamunyiibwè nzùbu wa dilongolwela màshinyì.”

27 Kàdi mbinunu byà misùùkà bushùwàe bìdi bipetèle Kilistò ku cyoshelu eku. Nènku ciinà cyà màyi cyà tabernacle, cìdi misangu yònsò ànu... Bantu mbabàtùjiiibwe mu Dìná dyà Mukalenge Yesù; bàsòka Dìná Dyèndè, bàkezudiibwa ku mpèkaatù yàbò. Nkàmà yà bikalàbà, beena lutàtu, mpofo, bilèmèndà, balèmà, badyà kùdi kànsèrè, mbuumuke ku cibùmbà cyà ku cyambilu eci; babwela, bapùnga ne lufù, balùme ne bakàjì, bàna bàà balùme ne bàà bakàjì, ne kupàtukabò ne mwoyi mupyamùpyà, biikàle ne misunya mipyamìpyà pa mibidi yàbò, ne bènda cyàkàbìdi; bàshiya makalu àbò à balèmà, mabaya a balèmà, ne bikwàbò. Éyi Nzambì, mu bidimu makùmi àsàtù byà mudimu ebi!

28 Taatù, ndi mvùluka dindà ditwàkatèèkà dibwe dyà mu ditumba adi. Ne Wèwè wàkafila cìkèènà-kumòna mwaba awu, mwikàle ùleeja mwaba awu, mupàte patapata, ditumba dilenga dyà dikèma; Mémè—mémè kumanya ne aci kacivwa mwà kupangilakù to. Pa nàнку ndi nKwela twasàkidila bwà bintu byònsò ebi.

29 Bààbùngì bàà kùdìbo bàkaadi bamanè kulwangana mvità mîmpè, ne bajikije lùbilu, ne balamè Diitabuuja; balààle kwàka, bindile, biikishe mpindyewu ku midimu yàbò mikolè, ne byenzedi byàbò bibàlonda; bindile dìbà didi mpungi ne cyà kudila, ne kupàtuka cyàkàbìdi mu mwoyi mupyamùpyà, mubidi mupyamùpyà. Bààbùngì bàà kùdìbo banunu ne banyùkùshiiibwe, bàngà bansongà, bà bidimu byà nkàcinkaci, ne bikwàbò. Kàdi Dìná Dyèbè ditùmbishiiibwè bwà byònsò.

30 Mpindyewu tudi biimàne cyàkàbìdi kaaba aka, kumpalà kwà—kwà bàdi ne mwoyi ne bafwè. Ndi ndòmba bwà Ùlaabè Méyi Èbè mu dindà emu. Ncyèna mumanye cintu nànsha cìmwè cyà kwamba to, kàdi ndi ndomba bwà Wèwè kucifila, ne Wèwè utu mucyènzènze misangu yònsò, Mukalenge.

31 Bèshèhàku mpaasàtà wetù, Mwanèètù Neville, mukàjèndè. Bèshèhàku tusùmbù twà balubuludi, balami, cidimba cyònsò cyà mubidi ewu. Swàkukù, bwà pàmwè, twikalè ne mwoyi mu nsòmbelu ewu, bwà ne mu mwoyi wùcilwalwà twikalakù ne Mwoyi wà Cyèndèlèlèlè.

32 Twambùlwishèku mu dindà emu bwà kwakidila dilongolodiibwà ku bilèma kùdi Nyumà ne kùdi Dìyi, bwà twamònakù mwà kudìlongolola patùdi tupàtuka mu biibi mu dindà emu apa, bapàngàdika munda mwà mwoyi wètù bwà kwikala ne nsòmbelu mutàmbe bwìmpè mushiilàngàne ne utùvwà nendè mu matùkù à kale. Tudi tulòmba nùнку mu Dìná dyà Yesù. Amen.

³³ Mpindyewu, ndi—ndi mfùma ku dikàngula Bible mwaba ewu, ne mbyenzèke ne ciine aci cìkale ànu kukaadi ndambù wa tusunsa cyanààna. Mémè ndi mu Bwàkabuulwibwa 3, pa nàнку nèmبالè ànu kaaba aka, pa—pa Mukenji bwà Èkèleeziyà wa Laòdikiyà.

³⁴ Nènku ndi muswè kumanyisha, kàbìdì ne, Mwanèètù Neville ùvwa ànu ùfùminakù ku dingambila ne; Mwanèètù Parnell, bu mùntù ne ciibidilu cyà kupwekesha mèsù mmumòna musòmbe kaaba aka, ùdi mu—mu ditabuluja, ànu lwà ku luseke lwà Memphis elu. Lwà ku—ku...yònsò wa kunùdì mmùmányè mwaba ùvwa Wimpý wa kale, kazùbù kàà dipanyishila màmpà meela minyìinyi aku kàsanganyibwa pa ciibidilu, ùvwa ne—ne ntentà mwasa kuntwaku, ùteeta kubweja myepu ne kumòna ne kùvwa bàvwà bajìmine kuntu aku bàvwà balongolwela mwoyi, bwà wàmòna mwà kubapetela Kilistò ku mùdimu wèndè wà bwambi awu. Kàdi yéyè mmukànga ditàbuluja bwà mu dyàlumiungu, bwà bwalu bwà masangisha àvwà ènzeka ku tabernacle, ne—ne aci ncyà lulamatu lwà menemene kùdì mwanèètù awu. Nènku tudi baswè bwà nùmányè ne masangisha awu neikalè makàngula mu dìmwè dilòòlò dyàlonlà, lumingu lùlwalwà elu. Ne ndi mumanyè ne nwènú bònsò nudi babìkidiibwe bwà kuyakù ne mwoyi mujimà bwà kutèeleja Mwanèètù Parnell ùtwàla mukenji wèndè wà dinanga dyà Kilistò.

³⁵ Nènku mpindyewu túbadiàayi mu Bwàkabuulwibwà nshapità mwi3, katùpà kakesè cyanààna, ànu bwà kwamba ne tudi babalè Bible. Bwalu, cìndì mwà kwamba ncifwànyine kupangila, kàdi cidìYe wamba aci kacyàdyàkupangilakù to. Nènku ncyèna mumanyè pàà kubangila piinè, cyà kwenza ciinè, anyi kwà kuya mene to, kàdi ndi mbala ànu Cíkondo cyà Èkèleeziyà wa Laòdikiyà.

...fùndila mwanjèlò wa èkèleeziyà wa...beena Laòdikiyà ne: Bintu ebi mbidì Amen wamba, ntèmù wa lulamatu ne mulelèlè, ne cibangidilu cyà bufukì bwà Nzambì;

Ndi mumanyè byenzedi byèbè, ...kwèna ku mashika nànsha ku luuyà: Mwà njinga...bwà wìkalà ní nku mashika anyi ku luuyà.

Pa nàнку bwalu wèwè udi civùmvù, ne kùyì ku mashika anyi ku luuyà to, nènkutwilè mukana mwànyì.

Bwalu wèwè udi wamba ne: Ndi mubanji, ne mubanji ke mu bintu, ne ncyèna dijinga ne cintu nànsha cimwè to; kàdi kùyì mumanyè ne udi mukèngeledi wa luse, ...mwena dikènga, ...mupèlè, ...mpofo, ...butakà,

Ndi nkubela bwà wèwè kusùmba kùndì ngòlò muteeta mu kapyà, bwà wèwè kwikala mubanji; ...civwalu

citòòke, bwà wêwè kwikala muvwàle, ne bwà bwèbè bundù bwà butakà bwèbè kabùmweneki to; ne ulaabe bwanga ku mèsù èbè, bwà wêwè kumòna.

Bónsò bándì munange, ndi mbàtândisha ne mbànyooka: ikàlà ne lukunukunu, ne nyingàlàlà.

³⁶ Nudi bamanyè's, mwaba kampànda mwômò amu, pâmvwà mbala apu, mémè... Bu nwênù mwà kumfwilaayikù luse kasunsa kàmwè, ndi—ndi mupetè mwaba kampànda ùvwà ùmvwika mwîmpè kùndi, nènku ncyèna mumanyè mwaba menemene ùvwàci to mpindyewu. Ngwòwò ewu.

...ne wêwè kwèna mumanyè to... mukèngeledi wa luse, ...mwena dikènga, ...mupèlè, ...mpofo, ... butakà:

³⁷ Kaa, èkèlekèle, s'ki cimfwànyì cyà èkèleeziyà wa leelù ewu aci's! Mpindyewu, cidi, ndi—ndi ngèèla meeji ne cikondo cyà èkèleeziyà eci, citùdi twamba eci. . . Mu bushùwà bwà bwalu, ndi ne cikondo cyà èkèleeziyà cyènda cilwa mpindyewu mu mikàndà. Kàdi bu mùdìbi ne n'Cikondo cyà Èkèleeziyà wa Laòdikiyà citùdi tusanganyiibwa, tütangilàayiibi ànu ku ngiikàdilù ayi.

³⁸ Ncyèna muswè kwangata cyena-bwalu kampànda ànyi ní ncinyì cyònsò to, bwalu katwèna... ànu twakula ku mpùukàpùukà to, patùdi tumòna bwà kwakula pa cyònsò cidi Mukalenge mufwànyine kutùlombola bwà kwakula aci, kàdi ncintu kampànda cidi cifwànyine kutùkwàcisha.

³⁹ Twèlanganàayi meeji pa Cikondo cyà Èkèleeziyà wa Laòdikiyà ne ngiikàdilù waci leelù ewu. Bwà ku dyànyì dimanya, ncyèna mmòna cintu kampànda cidi cipangisha, pa díbà edi, Dilwa dyà Mukalenge Yesù to, pa kuumusha dibènga kwikala mudìlongolola dyà Èkèleeziyà Wendè. Ndi ngèèla meeji ne cimwè cyà ku—ku biprófetà. . .

⁴⁰ Makèlèlèlà awu, pâmvwà ngènda mbànda ne kàshinyì, tudi bakendèshe munda mwà matùkù àbìdi, tuumukila ku Tucson, ne mwab'ewu, mu ntàntà wa kilòmèetà binunu bisàtù ne nkàmà yìbìdi bulubulu, mémè ne Billy. Ne nàнку awu twètù, mpindyewu, aci kacìvwa ne ditùpa dyà mikenji yà mbilu to. Tuvwa bashààle ànu mu bujaalàme. Mvwa musòmbe mwaba awu, pàvwàye wènda wèndesha apu, ne mémè—mémè kuvùnga—kuvùnga mànkòmù àànyì bu cingoma ne nsandu paanyimà. Mémè mumumòne ùpìcisha lubilu. Mvwa ngàmbe ne: "Indìlàbi kakesè tǔng, mulùmýànà."

Mpindyewu, mbatwàmbìle ne: "Pèèshaayi Kaayisà cidi cyà Kaayisà."

⁴¹ Pashìshe twètù kubwela mùnwemu dilòlò dishààle edi, mwànà wa bakàji mutekète mulààle mucyàmàkàne mu njila, wa bidimu bitwè ku bisàtù; maamù mufwè mu mukidi. Nsongàalùmè kampànda, uumukila mu R.O.T.C., [Cìlongelu cyà

Banène bà Bàsàlaayi, balami bà Ditùngà, mu Étas-Unis.—Muf.] wa bidimu dikumi ne mwandamukùlù, ùnyemesha màshinyi lùbilu lwà kilòmèètà lukàmà makumi citèèmà ne yibidi ku dîbà dimwè, lwà ku dyàbakàjì dyà njila, kubàshibeyayè. Ne ngèèla meeji ne ùvwa munkaci mwà kupùnga ne lufù, yèyè pèndè. Nudi mwà kujingulula cidi bwalu.

“Pèèsha Kaayisà cyà Kaayisà.”

⁴² Bantu bàvwa kabàyi benzè bwalu to bàfwa. Mwànà mukesè wa bakàjì wa bidimu bisàtù mujimije mwoyi wendè, bwà mùsàlaayi kampànda mukwàcike maalà, nwamònu’s, wèndesha màshinyi lùbilu lwà kilòmèètà lukàmà ne makumi citèèmà ne yibidi ku dîbà dimwè, mùdibi bicinkidiibwe, ku luseke lubi lwà njila. Ùmukila kuulu kwà kakùnà, e kupweka buludi kwìnshì, ne kubàshebeya bònso ànu mwaba awu. Mémè. . . Yèyè awu ùvwa, pèndè, munkaci mwà kupùnga ne lufù. Pa nàнку dîbà adi nudi mwà kumòna’s, nànsha mùvwà kasùmbù kàvwà kakàyi kenze bwalu aku munkaci mwà kwenza. . .

⁴³ Mpindyewu nsongàalùmè awu mmupùile bwà dishebeya dyà muntu dyà ku bukolè. Nwamònu anyi? Ndi ngèèla meeji ne bu muntu mwà kusanganyiibwa mu njila ku yèndà, munwè maala, bìvwa bikèngela kumwela mu bùloko bidimu dikumi, byà kàyi ùsùkuta mukana to, bwà kumpàla kwà dîbà. . . dishipangana didyànjlila kwelela meeji; muntu kanà yònsò ewu, bwalu yèyè ùdi ànu. . . muntu kanà yònsò ewu.

⁴⁴ Twètù, katwàdyàkwenza bwalu bwimpè nànsha bukesè ne cidiidi to. Ncibolè. Lungènyi lwà Nzambi lwà kwikala ne mfùmù, mfùmù mwakàne, ki lùdi lwimpè. Kàdi cidiidi cidi ànu cyàtùke, udi mwà kupàtuka mu bwalu kanà bwònsò ebu ku difuta dyà màkùtá; kwibila, kushima, kwiba, ne bikwàbò byònsò. Ànu bu mùmvwà mwambe kùkaadi ndambù wa maadyàlumingu: nènku tàngilàayi mwaba unùdi, nwamònu’s, kí ncíngà cintu to ànu mushiki wà musopàkàne ne bikwàbò byònsò. Kàdi mfùmù mwakàne ùdi mwà kudyènzela mikenji yèndè yèyè mwinè. Nènku udi mwà kushipa muntu; wèwè mumanyè mwena cidiidi wimpè, kí mbwalu to, udi upàtuka mu bwalu abu. Nwamònu anyi? Ne pa nàнку, cidi, cidi—cidi. . .

⁴⁵ Mungàlàtà mmeeji mimpè, kàdi kawàdyàkukùmbanakù to. Ànu mùdi communisme amu, bintu byònsò bitèèkela kaaba kàmwè; bìdi byùmvwika bimpè, kàdi kabyàkukùmbanakù to. To. Kùdi. . . Ngenzèlù wa Nzambi wa kwikala ne mfùmù, bu mùvwà Davidi amu, ùvwa wimpè, nènku nudi ne lungènyi lùmwè lwimakajilapù. Bu mùdi mulombodi umwe ne musùmbà wa byòkosò, anyi bikwàbò, kwèna mwà kubyàngata bibidi anyi bisàtù to. Dîbà adi, udi ubìbwejakaja byònsò pàmwè, udi ulwa ne mmwènu wa mùshindù kanà wònsò ewu.

⁴⁶ Pa nàнку tudi tusangana ngiikàdilù, leelù ewu, midilongòlòle bwà Dilwa dyà Mukalenge.

47 Kàdi, pàncìdì mèmè ne Mwanèètù Neville apa, ne bânà bèètù bakwàbò aba munkaci mwà kuteetà bwà kulama cisùmbù cyà mikòòkò apa, ndi ne cintu kampànda mu meeji àànyì mpindyewu, cìdì cindwila, citùdì bafwànyìne kwakulapù.

48 Ncyà ne, ngaakapeta mukàndà mumfùndila ditùkù dikwàbò kùdì inàbànzà kampànda wa maalù malenga. Kí mmèmè uvwa muwùpeta nànsha; wàkalwila kùdì muntu kampànda mukwàbò. Kàdi uvwa munkaci mwà kunsùsulula tupesetupese, anyi ùteeta kwenza nànkù. Ùvwa wàmba ne: “Kacya nukààdikù. . . Nwènù beena Kilstò bàà Kantu-ku-byanza aba kanwènakù mwà kwenza cintu kampànda bwà kwimanyika Mwanèètù Branham anyi?” Wàmba ne: “Bwalu mmupàtùle mmukàndà ewu mpindyewu ùdì ùbìlkidiibwa ne *Cikondo Cyà Èkèleeziyà Wa Laòdikiyà*, ùdì munkaci mwà kupàtula yàbùngì.” Kì yèyè ne: “Ùdì ànu munkaci mwà kusùsulula dilongesha dyà beena Mpenta tupesetupese’s.” Yèyè ne: “Mpindyewu ùdì wàkula bwà cileeji cyà mbangilu ne kí ndyakula dyà ne buyakulu nànsha.” Kì yèyè ne: “Nènku, ùdì ùlwishangana ne bayiishi bakàjì.” Nènku yèyè ewu uvwa muyiishi mukàjì. Ne bânà bèndè bàà balùme, mbàmwè bàà ku balundà bàànyì bìmpè bândi naabò pa buloba. Yèyè. . . Mbàmwè bàà ku balundà bàà batàmbe bwìmpè bândi naabò. Kì yèyè ne: “Mpindyewu. . .”

49 Nènku mulùme ewu ne mukàjèndè, mvwa ndyà naabò didyà dyà mu dindà; bóbò kwamba ne: “Mwanèètù Branham, tàngilà eci. Udikù mwà kudifwànyikijila bwalu ebu anyi?” ne kufyonona mukàndà kampànda mufùnda.

Mèmè ne: “Èè, mwanèètù wa bakàjì, yèyè kèna ànu ùmvwa to.”

50 Nsongàalùmè ayi kungambilayi ne mamwàbò uvwa muyiishi mukàjì, ne yèyè kàvwa mutwè ku cyà Mukenji to.

51 Nènku mpindyewu yèyè ùdì wàmba mwaba ewu, wàmba ne: “Mpindyewu yèyè mmwambe ne: ‘Kabìvwa bìkèngela bwà bakàjì kwikalabò ne bukòòkeshi pa bantu balùme to.’” Kwambayè ne: “Kàdi twambè bìshi bwà Foyibà mu Bible, mukwàcishi wa Pòlò awu?”

52 Cyà bushùwà, yèyè uvwa musùmbishi wa bintu. Kì Pòlò kukonkaye bantu. . . Nudi nwela meeji ne Pòlò mmufwànyìne kwamba ne: “Bakàjì bàshaalè bapùwe mu maèkèleeziyà, kí mbabiitabile bwà kwakulabò to,” kàdi kukùdimuka kwamba ne: “Mpindyewu, Foyibà, mukwàcishi wanyì mu Èvànjeeliyò, neàyiishe ndambù wa malòòlò anyi?” Mòna’s, yèyè’s uvwa mufwànyìne kwela dīyì dyèndè yèyè mwìnè mpatà. Nwamònu anyi?

53 Kì yèyè kwamba, dībà adi, bwà kucibàndisha cyònsò (ngèèla meeji ne uvwa ng’Esetà, uvwa umwe wa ku balumbulwishi mu Bible.), yèyè ne: “Mukàjì kampànda’s uvwa nzuji mu Bible. Aci ní kí bukòòkeshi pa bantu balùme to!”

54 Nènku mwena kantu-ku-byanza uvwa mwondòpìibwe mu èkèleeziyà emu ànu àbidì àdì panshi aa, kwambayè. . . Mpindyewu, mukàjèndè kwambayè ne: “Mwanèètù Branham, aci’s cìvwa misangu yònsò ànu cìmpìcila’s.”

Mèmè ne: “Mòna’s, mwanèètù wa bakàjì, aci ncifwànyìnèkù kukupìcila bìshi?”

Yèyè ne: “Èè, s’ki muntu mukàjì nyèyè ewu nzuji.”

55 Mèmè ne: “S’ki cidiidi ncyòci aci, kí ng’èkèleeziyà to. Aci kacyèna ne dipetangana ne èkèleeziyà to.”

56 Pòlò mmwambè ne: “Biiikalè mu ditùmikila, bu mùdì kàbidì mikenji yàmba.” Nènku mukenji kawèna mwà kuzànjika mukàjì bwà kwikalayè mwakwidi to; kawèna mwà kumubàndisha aku to. Kacya kùtukù mwanji kumòna mukàjì kampànda mwakwidi munène to. Kacya kùtukù mwanji kumòna mukàjì mwakwidi, mwaba nànsa wùmwe mu Bible to. Kacya kùtukù mwanji kumòna muntu mukàjì muiishi, mu Bible to. Cyà bushùwà.

57 Bàmwè bàà kùdìbo bàvwa bapròfètà bakàjì, ne bikwàbò; Mìlìyàmà ne bakwàbò bashiilèshiiàngàne. Ne Esètà. . . Umwe wa kùdìbo ùvwa nzuji kumutù kwà Izalèlèlè. Mìngà misangu bàvwa bakèlengè bakàjì kumutù kwàbù, ne bikwàbò byà mùshindù awu, mfùmù ne mukalenge mukàjì. Ku lufù lwà mfùmù, bìvwa bikèngela bwà mukalenge-mukàjì kwangataye kaaba kèndè too ne pàvwàbo bàsungula mfùmù mukwàbò, ne bikwàbò.

58 Mu—mu Tucson, mu Arizona, tudimù ne muntu mukàjì udi mulumbulwishi mu cimenga aci. Ki bwà cinyi cimenga ncibolè cìpàngè ne mwà kubola. Nènku tudi ne. . . Mukàjì kèna ne bwalu nànsa bùmwe mu cidiidi to. Kèna ne bwalu nànsa bùmwe mu. . . pa bukòòkeshi kampànda mu èkèleeziyà to.

59 Mwaba wèndè nkwikala mukalenge-mukàjì wa muntu kumbèlu. Pa kuumusha aci, kèna ne cintu nànsa cìmwè to. Ne tudi bamanyè ne aci m’Bulelèlè. Kwàdyàkusanganakù. . . Ndi mumanyè ne aci cidi cyùmvwika cyà cyena kale, kadi ndi mwambùle bujitu.

60 Nènku ndi mumanyè ne, paanyimà pàà dyumuka dyànyì dyà pa buloba apa, mikàbà yà mèyi eyi ne mikàndà eyi neyitùngunuke ne kwikala ne mwoyi, ne bààbùngì bàà kunùdì nwènù bàna batekète nenùsanganè ne, mu matùkù àcilwalwà, eci m’Bulelèlè bwà menemene, bwalu ndi ncyàmba mu Dìna dyà Mukalenge.

61 Mpindyewu, tudi tudìkonka mùdì mukàjì, udi mukàjì mwìmpè, ne mmutwàle pa buloba apa kùdì bàyèndè wa lulamamatu, muntu mulùme mwìmpè, bàmwè bàà ku bàna bàà balùme bàà maalù malenga bankaadiku mutwilàngàne naabò, mbantu, bàà ku bàankaadiku mutwilàngàne naabò. Nènku ànu ne lùkàsà lwònsò, mbènzè ànu bàtèèleja Mukenji anyi, bumba

bàswikàkana Naawù, lukàmà pa lukàmà. Mpindyewu, aci ncifwànyine kulwila ànu ku didyànjila-kubikidiibwa, mùshindù wùmwèpelè wùdici mwà kulwa.

⁶² Mpindyewu, lukonko lùdi ne, apa. Mvwa ngèèla meeji ne, nwamònu's, mpindyewu bwà cinyi Mukalenge ùvwa ùngaaluja paanyimà. “Ne wèwè udi mucìmanyè, mumanyè... Kwèna mucìmanyè to; udi butakà, mwena dikènga, mukèngeledi wa luse, mpofo, kàdi kùyi mucìmanyè to.”

⁶³ Kumpàlà kwà mèmè kufika pa kaaba aku, ndi mufwànyine kufila cikòsò cyà bìndi mwambe kukaadi ndambù wa matùkù, muneemu mu Diiyiisha kampànda, ngèèla meeji ne ciwwa, *Nzambi Wa Buloba Ebu*; mufofomija mèsù a bantu, mu mùshindù wà ne kakùyi mpatà to bàdi bàkuukwila dyabùlù mu masangisha à butèndeledi. Nwènù bònso nudi buumvwe aci anyi? Nwènù bònso nudi bacyùmfwè anyi? [Disangisha didi dyàmba ne: “Amen.”—Muf.]

⁶⁴ Ne pashìishe mu Mukenji ùmwèùmfwè awu, ndi mutwàle cyena-bwalu aci, cyà ne, mukàji udi uvwàla bilàmbà byà bisalulangana masandi, kabìyi byà kalolo nànsha, yèyè ùdi, ùlumbulwishiibwa ku Cibàsà cyà Cilumbulwidi bu ndumbà wa mu mùsèèsù. Aci's cidi cyumvwika cyà pabwàci menemene.

Ngänji nnwènzèlèku kaadizòla kakesè.

⁶⁵ Mpindyewu, ki mukulumbulwidi nyèyè ewu mu cimenga emu, nsongàalùmè wa citende, ne yèyè mmuntu wa maalu mimpè. Pàcidi ànu—bilondèshile cidiidi, ndi ngèèla meeji ne ùdi mwà kwikala wa kalolo bu muntu kanà yònsò ewu, mu cidiidi cyèndè. Ne pashìishe kupàtukayè ne mwánà wa bakàji udi mumanyike bikolè. Kunanganganabo ne kusèlangana. Bàdi bàya ku maafètes ònsò ne bintu binène, ne bànwa bònso maalà pàmwè. Ndekeelu wa byònsò, yèyè... Ùtu ne dīkū dilenga dyà dikèma. Ùtu musòmbèle mu nyungulukilu mulenga. Bàdi bamwelela meeji mimpè munkaci mwà bantu. Kàdi yèyè... Bùbidi bwàbò bànwanwa maalà. Mukàji awu ùdi ùlwàta tùpùtulù, ùkòsa nsuki yèndè, ùdilaaba bilaabu, bintu byònsò ànu bu byà kusalulangana naabi masandi, mukàji mulengele mpàla wènda ùdileeja ku bantu. Èè, yèyè kàtukù ùya mu èkéleeziyà to, nànsha kakesè, nànsha umwe wa kùdibo.

⁶⁶ Pa nànkū, mbabwele munda, pabwīpi naabò apu, kulwakū muntu mukàji wa mu èkéleeziyà wa ba-Baptistes anyi èkéleeziyà wa ba-Méthodistes, yèyè ne bàyèndè. Mpindyewu, mukàji ewu... .

⁶⁷ Tùcìvwijèku ba-Méthodistes, bwalu ba-Méthodistes mbapitekù ndambù ku cijila kutàmba ba-Baptistes; bònso bàdi kabàyi ba-Baptistes bàà Dipungila Dipyadiyà, bàdi bóbò bìitabuuja cijila. Kàdi, pa ciibidilu, ba-Baptistes kabèèna bàcyùka byà cijila to nànsha kakesè, nwamònu's. Kabèèna

bìtabuuja cintu bu nàнку to. Nàнку dîbà adi, mpindyewu, túcýenzàayi ba-Méthodistes bwalu mbiitàbùuje cijila.

⁶⁸ Ne pashìshe mukàji wa ba-Méthodistes ùdi ùbwela pabwîpi ne mukàji ewu, mu mùsèèsù wùmwèwùmwè awu. Bàyèndè ùdi. . . Twambè ne mmwena mudimu wa mbulàmàtadi, ne, anyi wa bìrô kampànda. Èè, mukàji wa ba-Méthodistes ewu ùdi ùtàngila mukàji mukwàbò awu.

⁶⁹ Nènku pàdi mwakwidyanganyi ewu ùpàtuka mu cimenga. . . Dìnà dyèndè n'John; twàmbe ne dìnà dyèndè n'John. Mpindyewu, kanùcinkididi abi to bwà mpindyewu. Ndi ngàngata ànu mènà mafwikakaja cyanààna mpindyewu. Ne dìnà dyèndè n'John. Èè, mukàji ewu ùvwa ne ciibidilu cyà kupàtuka ne Ralph. Nènku adi ndìnà difwikakaja, cyònsò aci, nwamònu's, ànu bwà nwamòna mwà kuumvwa bwalu abu, bwà kwenza cimfwànyi aci.

⁷⁰ Èè, ki kwenzekabi ne, mu fetè kampànda wa bânwa maala, Ralph ùdi ùmupukila kàbìdi. Èè, mukàji ùbanga kulàkuka, bwalu ùdi kàbìdi mu dinanga ne Ralph, mùdiye wèla meeji. Pashìshe paanyimà pàà katanci, Ralph ùdi ùbanga kumòngana nendè. Nènku ùdi mwa kwenza ne John kàngudi mpasu to, ùmusokokabi. Nènku wèla meeji ne yèyè mmutàlame, bwalu ùdi mwà kupàtuka ne Ralph pèndè musèdiibwè kùdi John. Nwamònu's mukàji kàyikù nànsha ne kaneemu kèètù aka to, kàdi kàyikù nànsha ne meeji àdiye wèla pa bwalu abu to.

⁷¹ Kàdi mukàji wa ba-Méthodistes ewu mmubàndekù yèyè mu cipidi cikwàbò. Yèyè wa bendè awu, ùtukù, ùya mu èkèleeziyà, ne ùdi wèla meeji ne mukàji awu ngwa bwalu bukolè. Mòna's, kwambilayè bàyèndè, pàdiye ùbwela apu ne: "Ndi mmòna muntu mulùme awu ubwelamù ne ùkatwilangana nendè. Nènku ndìbà dìdi John mupàtùke mukakòse cilumbu kampànda mwaba kampànda mu Philadelphie anyi mwaba kampànda, ùdi ùpàtuka nendè mu mashingi èndè, bàkalààla pambèlu kukaalà kwà màyi. Ndi mbàmòna bálukila pambèlu; kabàyi nànsha bàpwekesha nànsha rìdò to misangu mikwàbò, ùmutwà mishiku wènza nendè mananga, pashìshe. . . Kaa, aci kî ncibi anyi?" mwàkambilayè bàyèndè awu. "Mòna's, yèyè's ùdi ànu ndumbà wa bantu bònsò ewu." Ncyà bushùwà. Yèyè awu mmubi kupìta too ne ndumbà wa bantu bònsò ewu, bwalu yèyè mmukàji musèla. Nwamònu anyi? Nènku yèyè, mukàji ewu, mukàji wa ba-Méthodistes ewu, ùdi wèla meeji ne aci ncibi be, mùtùyi kàyiku ùya mu èkèleeziyà to.

⁷² Mpindyewu, mukàji wa ba-Méthodistes ewu kî mmufwànyinekù kwenza cintu bu nàнку to. To, nànsha kakesè. Yèyè mmukàji wa kaneemu kààbùngi. Kàdi cikwàbò cintu, yèyè kî mmufwànyinekù kulenga ndambù wa wiskí to, bwalu, èkèleeziyà wa ba-Méthodistes, byà pa lukàmà makùmì citèemà byà mu ndongamu wabò ùdi ùkàndika wiskí, ne ùbenga wiskí.

Pa nàнку, bàdi ne ndongamu wa dikàndika dyà maalà, ne bantu bàà mu èkèleeziyà wa ba-Méthodistes abu kabeenà ne nsòmbelu mutùmbuke kuutàmba udi èkèleeziyà awu ùlongesha to.

⁷³ Kàdi mukàjì umweumwe ewu, mukàjì wa ba-Méthodistes ewu, ùpàtuka, ku dilòòlò kampànda, ne bàyendè, ùvwàla tùpùtulù mu dyàlumingu, paanyimà pàà kàlaasà kàà Dyàlumingu. Ùdi ùkòsa nsukì yèndè. Ùdi ùlaaba tùpèntà ku mishiku, ne ùnwakù ndambù wa mfwankà kakesè.

⁷⁴ Mpindyewu, mu Dìyì dyà Nzambì, bònsò bàbìdì mbandumbà, kàdi ewu nùнку ùdi “butaka, mwena dikènga, mukèngeledi wa luse, mpofo, kàdi kàyì mucìmanyè to.” Umwe mmupìile ànu mùdì mukwàbò amu, bwalu: “Mulùme udi utàngila mukàjì, bwà kumwalakana, wàmányì kwenda nendè masandi munda mwà mwoyi wèndè.”

⁷⁵ Nèнку mukàjì ewu, mpindyewu, yèyè mmufwànyìne kwamba ne: “Anjì indìlà kakesè, Mukalenge Branham. Nènkufikìshè ku dyumvwa, mèmè ncyèna ndumbà to.” Mwanèètù wa bakàjì, pàmwàpa bu wèwè mwà kwangaciibwa kumpàlà kwà Bible kampànda, ne wèwè kuMutentekela byanza mu Bwikadi bwà Nzambì, ne kudicìpa ku mucìpù ne wèwè uvwa ne lulamatu—ne lulamatu kùdì bàyeebè ne mwèbè mwònsò. Mubidi wèbè ngwà bàyeebè, kàdi musùukà wèbè ngwà Nzambì. Kùdì nyumà mubì udi mukulaabe maanyì. Byòbì nàнку, wèwè kùyì nàнку to, dìbà adi udi . . . Ndi mwà kujaadika ne udi mupàlè ànu menemene.

⁷⁶ Ncinyì cìvwàku cìfwànyìne kwikala cyenzèkèlè kakwèbè mukàjì bu yèyè mwà kwikala mupàtùke mu mùsèèsù muvwàle kapùtulù? Nùнку’s mbamwele mu lùpitaadi lwà babùlùke; mmupàtùke kàyì mubwale nkanzu wèndè to. Kùdì cintu cipampàlàmmùke mu meeji èndè amu. Pìikalàbì ne bìvwà nàнку dìbà adi, bìdì nàнку mpindyewu.

⁷⁷ Pa nàнку cìdì cìkùpa buloba bujimà mu katombòtombò. Cintu cyònsò mu kaabujimà ncìpàle. Nèнку ncidìfindemù ku ndambù ku ndambù mu mùshindù wà bantu kabàyìkù mwà kwangula mpasu to.

⁷⁸ Mpindyewu, ùdi ndumbà anyì? Kì nku bàyendè to, mucìpù kùdì mubidi wèndè. Kàdi, kumpàlà kwà Nzambì, yèyè ùdi ne nyumà mubì, nyumà wa bundumbà pambidi pèndè, udi umufikisha ku divwàla mùshindù awu. Ne yèyè ùdi mu Cikondo cyà Èkèleeziyà wa Laòdikiyà, kàdi kàyì mumanyè ne ùdi wènta nàнку to. Mukàjì udi kàyì mwenze bwalu awu kì mmumanye ne Nzambì neàmulumbulwishe bu ndumbà to. S’ki bwalu mbwòbù abu.

⁷⁹ Wèwè mumumvwijeCì; kwèna mwà kumwambilacì to. Kakwèna mùshindù wà wèwè kumumvwijaCì nànsha. Bible mmwambè ne: “Bàdi butakà kàdi kabàyi bacìmanyè to.”

⁸⁰ Wèwè mwà kumubiikila ne ndumbà, yèyè sungasunga, mmufwànyine kukukwàcisha. Mmufwànyine kukukwàcisha. Ncítukù ngàákula mémè bwà muntu kampànda to. Ntu ngàákula bwà mpèkaatù. Ncyèna ngàmba ne: “Èkèleeziyà kampànda ewu, Mukalenge *Kampànda* wàwa, Révérend *Kansanga*, yèyè ùdi. . .” To, to. Ndi ngàmba ne, dilongesha dyà cyòci aci, nwamònu’s, cintu cyònsò mu kaabujimà kaaba kàmwè. Ncítu ntèèla muntu-nkààyà to. Kí mbantu-nkààyà to. Ndongolwelu udibò bàsanganyiibwamù awu. Nndongolwelu wa buloba.

⁸¹ Mwanèètù George Wright udi musòmbe apa ewu ùdi. . . Ùdi ne bidimu makumi mwandamutekète ne bitaanu anyi makumi mwandamutekète ne mwandamukùlù, ngèèla meeji. Uvwa mufwànyine kwela meeji ne ncinyi cívwa cifwànyine kwikala cyenzeke bu wèwè mwà kwikala muyè kamòna Mwanèètù wa bakàji Wright dīngà ditùkù, ne yèyè mufwànyine kwikala mwimàne muvwàle kapùtulù? Mòna’s, kùvwakù mufwànyine, uvwa mufwànyine—uvwa mufwànyine kwikala mulamishe mukàji awu mu nzùbu wa beena mukupa. Kùvwa mwà kwikala mumusèle nànsha. Èè, bu nsongàalùmè kanà yònsò mu ditùkù adi mufwànyine kwikala mucyénzè, cintu cimwècimwè aci’s cívwa cifwànyine kwikala cyenzèke. Èè, pìikalàbi ne cívwa mpèkaatù ne cibì dībà adi, ncintu cimwècimwè aci; kàdi bantu mbakolèle mu katombòtombò.

⁸² Lekèlaayi nzwambilèku cintu kampànda mu cipròfètà, ànu kumpàla mene kwà cyòci kwenzeka. Buloba bujimà mbutùkine mu katombòtombò, nebitambè kubìipa, byènda bibìipa ànu kubìipa, too ne mwàlwàbo kushààla musùmbà wà babùlùke. Ne byòbì biine bikaadi ànu bu mùshindù awu mene mpindyewu.

⁸³ Nudiku mwà kudifwànyikijila muntu wètù ewu wèndesha màshinyi ne myèndù yèndè mijima, ku luseke lubi lwà njila anyi, Ricky kampànda, mwànà mutekète, utùdi tucinka ne ùcidi ùpàtukilakù mu kàlaasà kàà ciikadilu, ùshebeya musùmbà wà bantu. Aci cidikù cibìimanyika anyi? Wàkalonda paanyimà pèndè awu, wènza cintu cimwècimwè aci. Nudikù mwà kudifwànyikijila nsongàalùmè udi udyèlela meeji kanà ónsò. . . udi uditwaku mushinga, ùpàtuka pambèlu apa ne wènza mùdìbo bènza amu anyi?

⁸⁴ Nudikù mwà kudifwànyikijila mukàji mutekète, mwinè awu ùcìjuukilakù ne bwèndè bwànà bukàji, mulengèle kumòna, mwibaka bilenga èyo, mupempa, musulàme, mpàla, mulengèle kumòna; nènku cintu mene ànu cyà ne yèyè mmulenga aci cidi cileēja ne tudi ku ndekeelu kwà bikondo. Nwamònu’s, yèyè mmuyè yònsò ku mmwènekèlu wa maalu à pa buloba, bintu byà pa buloba kàdi kaciyi bulenga bwà cijila, ne kalolo mu musùkà wèndè nànsha. Nkààdi mumòne bakàji, pambèlu paabò kapàvwa cintu kampànda cyà kutàngila to, kàdi paùdi wakula naabò musangu ànu ùmwèpelè, paùdi wakula naabò ndambù wa tusunsa, bàdi cintu kampànda cilelèlè cyùdi kùyi

mwà kutàpulukangana naaci nànsha. Nwamònu's, bulenga bwà pambèlu mbwà dyabùlù, mbwà pa buloba.

⁸⁵ Tàngilàayi bánà bàà Kaayinà, mwàkabwelàbo muntwamu. “Pàakamòna bánà bàà balùmè bàà Nzambi ne bánà bàà bakàji bàà bantu bàvwa balenga, bàakabàngata bu bakàji,” kàdi Nzambi kàakabàfwilàkù luse to.

⁸⁶ Tàngilàayi, pàvwa bakàji bàà beena Izalèlèlà abu ne— ne byanza byà bikudì, ne nsukì mikàyabàle makocimakoci; pàakapicilà bánà bàà Nzambi abu mu buloba bwà Moàbà, ne kutwilanganabò ne bakàji abo bàà nsukì milongolola bímpè, ne bàà kapelu, ne bilaabu byàbúngì kwísù, anyì ní nudi nucibiikila bishi apu; nènku pàakamòna bánà bàà balùmè bàà Nzambi bakàji balenga bàà dikèma abu, mupròfetà wa mashimi kwambayè ne: “Tudi bônso bàmwè.” Ki bóbò kusèlangana munkaci mwàbò, ne Nzambi kàakabàfwilàkù luse to.

⁸⁷ Bàakabùtuka mu cipèlèlà. Muntu ne muntu wa kùdìbo wàkafwilamù, kabàyi ditèkemena, kabàyi Nzambi, ne mmbajìmine Cyendèlèlè; bapiishiibwe kashidi, nànsha mùvwàbo bamòne bwímpè bwà Nzambi amu, nànsha mùvwàbo banwè màyi à ku mpokolo uvwa kacya kàyikù ùkàma to. Bàvwa banwè màyi ku lubwebwe lutuuta alu. Bàvwa bamòne nyòka wa cyamù cyà mitakù wènza bishimà. Bàakapàtuka mwinshi mwà dibàtiiza dyà Mòsà mu mbù. Bàakamòna cianza cyà Nzambi. Bàvwa badyè cyakudyà cyà Banjèlò, ne benze bintu byònsò abi. Kàdi bàakasèlanganamù, bàakalekela bakàji bàbàbwejamù, ne bàakasèlangana munkaci mwàbò. Kí nku dyenda dyà masandi to, ànu kusèlangana cyanàànà munkaci mwàbò; Nzambi kàakacifwakù luse to.

⁸⁸ Ki musangu mwibìdì wàkatuutakeenabù ngwòwò awu. Mpindyewu's ki twètù aba pa musangu mwisàtù, ciseeswishanganyi mpindyewu kupita byà kwònsò eku.

⁸⁹ Ndi mumanyè ne aci ncikolè. Ne misangu yàbúngì ntu ànu ndikonka, mu mishindù yàbúngì, nebiiikale bishi? Mbwà cinyi bündì ne cyà kwakwila bantu muumishe maalu nùnku ewu? Cidì cicyènzeja nànu ncinyi? Kàdi nànsha nànu, ndi mmòna ne, bu kabùyì bwà Nzambi to, kakùvwa mwà kwikala muntu nànsha umwe to, muntu mukàji nànsha umwe kàvwa mufwànyine kusòmba bwà kuntèeleja to. Kàdi bàdi bàlukila, bwalu kùdi muntu kampànda udi ne kaalongò kakesè kàà Bulelèlà muntwamu, kàdi kamanyè ne Aci ncyà bushùwà. Nànsha byòbì nànu, bóbò mbamanyè ne n'Cyà bushùwà. Mpindyewu tàngilàayi nùmonè cidì cyènzeka. Ndi mumanyè ne ncikolè.

⁹⁰ Mbyenzè ànu bu mùdì ngàngàbukà ùkupèèsha bwanga, kàdi wèwè ubènga kubwàngata, dibà adi kudyúdi ngàngàbukà bu wèwè mwà kufwà nànsha. Nènku Eci ncyenze bu mùdì bwanga.

Ambàyi tǔng bwà bantu abu bàdi bàngamba ne mèmè ndi cikìna bakàji?

⁹¹ Nudi numòna's, tàngilàayi ànu mùdì bakàji bènza maalu amu, nènku mèmè nènnùleejè mwaba ùdì èkèleeziyà ùsanganyiibwa. Nsòmbelu wa bakàji bàdi mu Laòdikiyà, pa buloba, mu mubidi emu, “butakà, beena dikènga, bampofo, kàdi kabàyi bacimanyè to,” ba—bantu, bakàji bàà pa buloba. Ne èkèleeziyà pèndè ùdì mu cipidi cimwècimwè eci. Tàngilàayi cyà mubidi ncimfwànyì cyà cyà nyumà, ànu nàнку, misangu yònsò. Mpindyewu, dǐngà ditùkù ku Cibàsà cyà Cilumbulwidi . . .

⁹² Ndi mumanyè ne kǐ mbǐmpè bwà kwamba nàнку munkaci mwà bantu to. Kàbidì muntu yéyè kàyi mutèèkǐibwe mu mudimu bwà kucyàmba to, bivwa bikèngela wèwè kubènga kucyàmba; bwalu udi munkaci mwà kutentula, nènku dǐbà adi nèubwele mu lutàtu, ncyà bushùwà menemene.

⁹³ Mpindyewu mònaayi. Mu bushùwà bwà bwalu, mbyenze ànu bu ne, mu bikondo kampànda, mèmè kushààla mulamè mukana mwà mukàji kampànda mukàngule ne mupòngolwela Bwanga mukana mwèndè, nènku pashìishe kushààla mubùte byanza byànyì ku mishìkù yèndè aku, nènku ùvwa mwà kuBùtwila dǐbà kanà dyònsò. Ambàbi tǔng bu ngàngàbukà mwenzèle mubèèdì cyòcì aci, pashìishe mubèèdì awu kufwàye bwalu wàkabènga kumina bwanga abu? Ku Cibàsà cyà Cilumbulwidi, piikalà bintu byònsò ebi bu mùdì dikòsà dyà nsukì ne divwàlà dyà tǔpùtulù ne . . .

⁹⁴ Ndi munkaci mwà kwibaka. Dǐbà dikaadi pabwǐpi dinwikala mwà kumòna cintu kampànda cyènzeka, piikalà cintu kampànda cyènzeka. Nènku cishìmikidi cyònsò eci cívwa ànu bwà kutèèka nshindameenu bwà Mukenji mwǐpi, wà lùkàsàlùkàsà wànyùkusha matùnga ònsò.

⁹⁵ Bwà cinyi búmvwà munkaci mwà kutonokela bakàji, cívwa ànu munkaci mwà kulongiibwa mwab'ewu bwà cintu kampànda cyùdì mwà kucikùma naaci ànu pa mutù, menemene. Nànsha kuteeta mene bwà kubàmbila cìdì cyakàne. Nènku mèmè kubatèèka cyanza mùshindù ewu ku mishìkù mutùdì mwa kwamba's, ne bóbò kuCìtwilabò. Dǐbà adi nganyì udi mwà kudyula ngàngàbukà?

⁹⁶ Mmuni muwàmbà, ku Ditùkù dyà Cilumbulwidi, piikalà mèyi mene àvwà macidyule, ne cyà kwediibwa ku cisanji ànu kumpàla kwà bantu? Dǐbà adi nebàciseesùkè bishi?

⁹⁷ BàCìtwila mu byanza byèbè. Kupongolola ndambù mukwàbò, pashìishe ndekeelu wa byònsò kunyùkusha mutù wàbò e kukùdimuka kutàngila paanyimà, kwalukila, bàbènga kucyènza to. Nànsha nàнку, udi walukila kàbidì ne uCìpòngolola kàbidì. Dǐbà adi wadidyùla ki nganyì? Kǐ ngàngàbukà to, kǐ m'Bwanga to, kàdi cilunji cyà muntu. Mmwòmò menemene. Necìkale ditùkù dyà dikwàcisha bwòwà,

dimwè dyà ku matùkù aa, piìmanà lukòngò lwà masandi elu kumpalà kwà Nzambi wa Bukolè bwònsò.

⁹⁸ Ndi mmòna bidimu byànyì byènda bìseemena, makaaya àànyì ènda àkòbama; nènku, ndi mumanyè ne, bidimu makumi àsàtù kaaba aka pa cibùmbà cyà ku cyambilu eci, èyowà, bidimu makumi àsàtù ne bisàtù kaaba aka mu budimi bwà bwambi. Aci's mmwoyi mulè. Aci's mbidimu makumi àsàtù ne bisàtù byà mudimu. Dibungama dimwèpelè dîndi naadi; ndyà ne ncivwa ne bidimu lukàmà ne makumi àsàtù ne bisàtù byàwù to. Bwalu eci neciikalè mpungà wa ndekeelu ungiikalèku nendè, pàncidi wa cifwàkà apa, bwà kuyiisha Èvànjeeliyò. Nzambi ankwacisheku bwà mèmè kwikala ne lulamatu ne mpwànyì mwònsò, ku Diyì adi, ne kwamba ànu mùdiYe wàmba amu.

⁹⁹ Ncinyi cidi cyenze ne mukàji wa ba-Méthodistes awu... Mmunyi mùdikù mufwànyine kumuumvwijaCi? S'ki yèye ewu, mu Cikondo cyà Èkèleeziyà wa Laòdikiyà aci.

¹⁰⁰ Mpindyewu netwàngatè mukàji wa beena Mpenta. Úvwa kàyì ne cyà kulwàta tùpùtulù, kulaaba bilaabu, anyì kukòsa nsukì yèndè awu, kàdi mmutàngije mèsù paanyimà ku ba-Méthodistes, wàmba ne: "Tàngila ùmonè mùdi mukàji wàwa wènza *cikampànda!*" Twàmbè ne mukàji kàlwàci tùpùtulù to, kàdi yèye ùdi wàmba... kàdi yèye mwinè awu mwikàle ne nsukì mibebula. Nwamònu anyì?

¹⁰¹ Paùdi utàmba kubànda mu Nzambi, bintu byònsò bìdi bitàmba kumwèka bibiipe. Ne pashiishe misangu mikwàbò, mu disambila, nudi mwà kudifwànyikijila ne, pàdi Nyumà Mwimpè ùkubàndisha mu cipaapu kampànda, dîbà adi cintu cyònsò mu kaabujimà cidi cimwèka cimvundù cinène. Pashiishe dîbà dyùdi walukila panshi, udi umwèka bu udi, kùdi bantu, udi mupàngè kaneemu kùdi bakwàbò, bwà ne kwèna—kwèna cintu to kàdi ànu mwelulwidyanganyi wa kale. Wèwè udi mukùtākàne, bwalu udi mwimàne bu muntu mukùlākàji wa cimfiikāāmunda ne mwikàle misangu yònsò ànu utàndisha bantu. Kàdi bu wèwè mwà kubàndakù mu bipaapu abi musangu kampànda, mùdi mwà kwikala mu Bwikadi bwà Nzambi (kabiyi ku disaluka to, kàdi ku bwenzeji bwà Nyumà Mwimpè mushùwashùwàle ùkubàndisha kuulu), cintu cyònsò mu kaabujimà ncifunda ne: "IKABODE." Butumbi bwà Mukalenge mbumanè kuumuka mu cintākanyì cyònsò cyà cyena màngumba aci. Neyà bushùwà. Kakwèna nànsha umwe wa kùdìbo udi mubinge to.

¹⁰² Mpindyewu lekèlaayi nnuzòlèlè kaacijèngù kakesè. Bu ne mvwa ne cibàsà cyà kufundila... Kàdi ndi muswè nùtàngilè kùnweku. Ndi ngènza cijèngù mùshindù ewu, ne ndi ngènzela cikwàbò cijèngù lwà munda mwà cyòci cijèngù aci, byènji bibìdi, pashiishe ndi ngènza cijèngù munda mwà cyòci cijèngù aci. Byènji bisàtù, bijèngù bisàtù. Mpindyewu, aci's ngwèwè.

103 Aci's n'Nzambi. Nzambi mu búsàtù ùdi Umwe, ne kakùyì búsàtù to Yèyè kèna Nzambi to. Kèna mwà kumwènèshiibwa mùshindù mukwàbò nànsha ùmwè to.

104 Nènku nànsha wèwè kwèna mwà kumwèneshiibwa kùyì muntu wa búsàtù ùdi awu to, mbwena kwamba ne: mubidi, nyumà, musùùkà. Kwòkò kakùyì umwe wa kùdìbo, kwèna mukùmbànàngàne to. Nwamònu anyi? Bu ne wèwè kùvwa ne musùùkà to, uvwa mufwànyine kwikala cintu cyanàànà; bu ne wèwè kùvwa ne nyumà to, kùvwa mufwànyine kwikala cintu nànsha cimwè to; bu ne kùvwa ne mubidi kampànda to, wèwè udi ànu nyumà cyanàànà, kí mmubidi to.

105 Pa nàнку, Nzambi mmukùmbànàngàne mu bùmwè-mu isàtù bwà Kampànda; kí mbùmwè-mu isàtù bwà *bakampànda* to, kàdi Kampànda Umwèpelè mwikàle mu bùmwè-mu isàtù. Taatù, Mwànà, ne Nyumà Mwímpè n'Nzambi mulelèlà umwèpelè mumwènèshiibwe. Nzambi!

106 Mònaayi mwab'ewu ne, anji indilaayibi, ndi—ndi ngèèla meeji ne ndi muwùbale kùkaadi ndambù wa tusunsa. Tèèlejàayi eci.

*...fundilà mwanjèlò wa èkèleeziyà wa...beena
Laòdikiyà ne: Maalu aa ngàdi Amen wàmba, ntèmù
wa lulamatu ne mulelèlà, cibangidilu cyà bufùki bwà
Nzambi;*

107 Nzambi m'Mufùki. Ne Yèyè wàkafùkiibwa munyi? Kàdi eci cìdi "cibangidilu cyà bufùki bwà Nzambi." Pàvwà Nzambi, Nyumà awu, mufùkiibwe mu mmwènekulu wa Muntu, uvwa Nzambi mwikàle mufùkiibwe awu; Nzambi Mufùki, Yèyè mwine, kuvwijiibwa bufùki. Nzambi, Yèyè wàkenza buloba awu, kwenza kàlisiyumù, kwenza binshidimba, bukènkè bwà mu cibwàshibwàshì, mpiitùloolù, kwangata cintu aci pàmwè ne kuDifùka Yèyè mwìnè, ku "cibangidilu cyà bufùki bwà Nzambi."

108 "Amen," wa ndekeelu. *Amen* mbwena kwamba ne "biikalè nàнку." "Ndekeelu wa Nzambi," pààkajikija Nzambi mu bufùki Bwèndè.

109 Mpindyewu, bìvwa bìshi? "Muntu nànsha umwe kàtukù mwanji kumòna Nzambi musangu nànsha wùmwè to, kàdi Mulela umwe wa Taatù ngudi muMuleejè." Nwacyùmvù anyi?

110 Twamba ne, yindilaayi katanci, kanwèna balwijàkàje to. Tùbuululàayi mu Kolòsàyi, ànu kasunsa kàmwè. Ndi mfùma ku...Mufùndu kampànda wàmvwìdi mu meeji. Tùbululàayi mu Kolòsàayi, Mukàndà wà beena Kolòsàayi, ne twàngatè... ngèèla meeji ne nshapità wa kumpàla. Nebikèngelè bwà mèmè kutàngila cyòci eci, bwalu kí ncidyanjila kwelela meeji kaaba aka to. Pa nàнку nèngìikalè...Mùmvwà kale wàwa, pàncivwà muyiishi wa citende, mvwa mwà kuvùluka bintu ebi ànu mpindyewu mene, kàdi pàndi ngènda nkùlakaja apa ncyèna mwà kucyènza to. [Mwanèètù Branham ùdi ùtuuta

cishòndò—Muf.] Tùbangilàayi ku mvensà wa 9, ngèela meeji. “Bwà bwalu ebu. . .” Pòlò ngudi wambila beena Kolòsàayi bwà Kilistò, ne Yèyè ùvwa Nganyi.

Bwà bwalu ebu twètù pèètù, kacya ku ditùkù ditùdì bacyūmvwè, katwèna tupùngila ne kunùsambidila to, ne . . . tujinga bwà nwènù nwamònakù mwà kùjiibwa ne dimanya dyònsò dyà diswa dyèndè mu lungènyì lwònsò lwà nyumà ne luumvu;

Bwà nwamòna mwà kwenda bakùmbànyìne Mukalenge mu byònsò bìdì bimusànkisha, bìikàle bùle tètè ne mamuma mu byenzedi bìmpè byònsò, ne kudyunda mu dimanya dyà Nzambi;

Bakolèshùbwe bònsò . . . bilondèshìle bukolè bwà butùmbi, bwà lutùùlù ne mwoyi mule pàmwè ne disànka;

Bìikàle nwaluja twàsàkidila kùdì Taatù, udi mukùmbàje . . . udi mutùwìjè bakùmbàne bwà . . . babanyanganyì bàà bumpyànyì bwà bansantu . . .

Yèyè udi mutùsùngile ku bukolè bwà mìdimà awu, ne udi mutùtùntumune mu bukalenge bwà Mwanèndè munanga,

111 S'ki twètù aba tufika mpindyewu. Tàngilàayi.

Mu yèyè mmutùdì ne bupikudi ku mashi èndè, too ne difwèdiibwa dyà luse ku mpèkaatù:

Udi mu cimfwànyì cyà Nzambi udi kàyì ùmwènèka awu, . . .

112 Nwacyūmvù anyì? Mvensa wa 15, Kolòsàayi 1.15.

. . . mwanààbutè wa cifùkùibwà cyònsò:

113 Amen! Cinganyì? “Mwanààbutè wa cifùkùibwà cyònsò.” Nànsha yèyè mwikàle Mwanjèlò, nànsha cyòci ciikàle cinyi cyònsò cìdì mwà kwikalakù aci; Yèyè mmwanààbutè wa cifùkùibwà cyònsò.

Bwalu ku yèyè nkùwà bintu byònsò bifùkùibwe—byònsò bifùkùibwe, bìdì mu dyulu, anyì . . . pa buloba, bìdì bimwènèka . . . bìdì kabiyì bimwènèka, nànsha yòyì miikàle nkwasà yà butùmbi, nànsha wòwò miikàle makòòkeshi, . . . mamfùmù, . . . makolè: bintu byònsò byàkafùkùibwa kùdìye, ne bwèndè yèyè:

114 *Brrrrr!* Nànsha cyòci ciikàle cintu kanà cyònsò cìdici cifwànyìne kwikala aci; kakwèna kampànda mukwàbò to! Mònaayi ne: “Ne mu . . . Ne ki bwà cinyi yèyè ùdì . . .”

. . . yèyè ùdì kumpàlà kwà bintu byònsò, ne kùdìye bintu byònsò bìdì bishàalakù.

115 Nànsha ciikàle Taatù, Mwanà, Nyumà Mwímpè, nànsha ciikàle cinyi: “Yèyè ùdì kumpàlà kwà bintu byònsò.” “Kumpàla

kwà bintu byònsò bìdi mu Dyulu, pa buloba; bìdi bimwènèka, bìdi kabiyi bimwènèka, anyi ní ncinyi cyònsò,” Mwánà wa Nzambì ewu ùvwakù kumpàla kwà bintu byònsò. Ncyà bushùwà anyi? Nànsha cyôci cinyi, nkwasà yà butùmbi, makòòkeshi, cyònsò cìdiku aci; Nkwasa yà butùmbi yà mu dyulu, makalenge, cyònsò cìdì cifwànyine kwikalaku mu bipaapu bitàmbe-mfùkìlu dyàmwàmwa adi, mu Cyendèlèlè muvwaci; nànsha ciikàle cinganyi, Banjèlò, banzambì, cyònsò civwàku aci: “Yèyè ùdi kumpàla kwà bintu byònsò.” Amen! Kanwènakù mwà kuMumòna anyi? “Yèyè ùvwa kumpàlà kwà bintu byònsò; ne wàkafùkiibwa kùdiYe. Yèyè. . .” Mvensà wa 17.

Ne yèyè ùdi kumpàlà kwà bintu byònsò, ne kùdiye bintu byònsò bìdikù.

116 Kakwèna cintu nànsha cìmwè cìdì mwà kucisàka to ànu Yèyè. Nànsha ciikàle Nzambì Taatù, Nzambì Nyumà Mwîmpè; nànsha ciikàle Banjèlò, mamfùmù, makolè, makòòkeshi; cyònsò cìdiku aci, bintu byònsò bìdi byènzekela kùdiYe. “Bintu byònsò bìdikù kùdiYe.” Yèyè!

Ne yèyè ùdi mutù wà mubidi, èkèleeziyà awu: udi cibangidilu—udi cibangidilu, mwanàabutè wa ku bafwè (aci cidi, kubìisha bàvwàYe mulwè kupikula); bwà mu maalù wònsò wàmòna mwà kwikala ne bukòòkeshi.

117 “Wàmòna mwà kwikala ne bukòòkeshi,” udi mumanyè cìdici cyùmvwija anyi? Mbwena kwamba ne, “kumutù kwa byònsò.” Yèyè ùdi kumutù kwà bintu byònsò bikaavwàku bifùkiibwe abi; Mwanjèlò ne Mwanjèlò yònsò, muntu ne muntu yònsò, cintu cyònsò—cyònsò cìdiku aci. Yèyè ùdi kumutù kwà bintu byònsò. Eci n’Cifùkiibwe kaayi Eci? Cìdì mwà kwikala nganyi? Kumutù kwà bintu byònsò! “Nènku mumanè kwenza ditalala. . .” Twanjàayibi kumòna túng, ànu mu kasunsa kàmwè emu. Bukòòk-. . .

Bwalu byàkasànkisha Taatù bwà cyuwidi cyònsò kusòmbelaci mu yèyè;

118 “Kaabujimà kònsò kàà bintu byònsò.” Kaabujimà kònsò kàà Nzambì, kaabujimà kònsò kàà Banjèlò, kaabujimà kònsò kàà cikondo, kaabujimà kònsò kàà Cyendèlèlè; cintu cyònsò ncisòmbèle mu Yèyè. Ki yèyè Muntu ewu.

Nènku, mwenze ditalala mu mashi à nkùrusè wendè, kùdiye bwà kupungisha bintu byònsò ne yèyè mwinè; ku yèyè, ndi ngàmba ne, ní mbintu bìdi byà pa buloba, anyi bintu byà mu dyulu.

119 Ki Kampànda munène utùdì twamba awu ne: “Cibangidilu cyà bufùkì bwà Nzambì.”

120 Mpindyewu, mpindyewu udi, Èkèleeziyà, bwà ne kiipàcìla Kèndè kajimà kàvwa ng’Èkèleeziyà. Mpindyewu tudi tubwela mu Èkèleeziyà ewu bishi? “Ku Nyumà umwèpelè nkutùdì bònsò

babàtììjìibwe mu Mubidi wùmwèpelè,” Èkèleeziyà, Mubidi wà Kilistò. Kacyèna mwà kupangilakù to.

¹²¹ Mpindyewu, cìdì cyènzekà ncyôci eci. Mpindyewu tàngilààyi eci, ànu kaadzìola kakesè kàà difwànyikija aka.

¹²² Mpindyewu, muntu wa pambèlu ewu mmubidi. Ki citùdì twètù tutàngila ncyôci aci; citùdì tumòna. Ne cìdì ne bibweledi bitaanu byà mubidi awu. Nènku mwànà kanà yònsò wa mu kàlaasà kàà mbangilu ewu, bu mèmè mwine ewu, mmufwànyine kumanya ne kùdì byumvwilu bitaanu bìdì bìkòntonona mubidi; lumòno, lulabulu, lulengu, lununku, ne luumvu. Kakùyì aci to, kwèna mwà kulenga mubidi to. Ki mùshindù ùmwèpelè ùdì ùkèngela bwà wèwè kufika ku mubidi awu; lumono, lulabulu, lulengu, lununku, luumvu; udi ucimòna, ucilabula, ucilenga. . . Mpindyewu, aci's ke cìdì cibì, lwà pambèlu.

¹²³ Mpindyewu, munda mwà cyôci aci mùdì nyumà, ncyùdì ulwa dìbà dyùdì mulediibwe pa buloba ne mupùùyà wà mwoyi ùdì wèdiibwa munda mwèndè. Nyumà awu ngwa ngiikàdìlù wa pa buloba bwalu kààkafidiibwa kùdì Nzambi to, kàdì ùvwa (mufidiibwe) mwanyishiibwe kùdì Nzambi. Mpindyewu nwacyùmvù anyi? Bwalu, mwànà yònsò udi mulediibwe pa buloba, “mmulela mu mpèkaatù, mufwimba mu bubì; mulwè pa buloba mwikàle wàmba mashimi.” Ncyà bushùwà anyi? Pa nàнку, muntu awu, munda amu, nngènzàmpèkaatù, ànu kwine kwònsò aku. Mpindyewu, kàdì. . .

¹²⁴ Mpindyewu, ùdì ne bibweledi bitaanu. Nènku byôbì bibweledi bitaanu abi. . . Ncyènà mumanyè ní ndi mwà kubitèèla byònsò mu byôbì mpindyewu. Dìbà didì ci. . . Cyàkumpàla, cìndì mumanyè, mmeeji, kondo kàà mwoyi, ne dinanga, disungula. . . To. Kondo kàà mwoyi, dinanga, dilukakaja dyà lungènyi. . . Kudi bibweledi bitaanu byà nyumà. Kwèna mwà kwela meeji ne mubidi wèbè awu to; bikèngela wèlè meeji ne nyumà webè. Kwèna mwà kwikala ne kondò kàà mwoyi mu mubidi wèbè to. Kawèna ne byeledi byà meeji to nànsha kakesè; mubidi wèbè kawèna naabì to, pa nàнку bikèngela wikalè wela meeji ne nyumà webè. Udi ne cyà kulukakaja lungènyi. Kwenà mwà kulukakaja lungènyi ne buumùntù bwèbè bwà mubidi nànsha, bwalu kulukakaja kwà lungènyi kakwèna kumòna, kùlabula, kùlenga, kùnunkila, anyi kùteeleja to. Kulukakaja kwà lungènyi ke cyùdì wèwè mwà kwenza mu meeji èbè. Wèwè mulààle tulu anyi mutàbàle, mubidi wèbè mulààdika mwaba awu mufwè, kàdì nyumà webè ùdì ànu mwà kwikala ùlukakaja lungènyi. Kùdì byumvwilu bitaanu bìdì bìkòntonona muntu wa munda awu. Nènku aci. . .

¹²⁵ Mpindyewu, kùdì muntu wa ndekeelu, udi musùùkà awu, kùdì ànu cyumvwilu cimwèpelè cìdì cìcìkòntonona, ne ciinè aci budiswilè. . . mbudiswilè bwà kusungula anyi kubènga.

126 Nènku mpindyewu cidi cyènza ne bantu leelù ewu... Mpindyewu, kanùpu eci mwoyi mpindyewu to, nènku nenù—nenùmonè cidi cyà Cijila... cidi cileeji cyà mbangilu cyà Nyumà Mwímpè. Nwamònu anyi?

127 Mpindyewu, bantu bàdi mwà kwikala basòmbèle mu nyumà ewu, ne bàja maja mu nyumà. Bèèla mbilà mu nyumà. Bàya mu èkèleeziyà mu nyumà, kàdi kakùyi mpatà to bàdi mwà kwikala ne Nyumà mulelèlà wa Nzambi ùlaaba nyumà awu, kàdi biikàle ànu bajìmine ne bakwàta kùdi dyabùlù ànu ne mwàbò mwònsò, biikàle ne nyumà awu.

128 Bwalu, tàngilàayi, ki bwà cinyi kanùvwa bafwànyine kwambila mukàji awu ne, mùvwàye muvwàla tùpùtulù amu, ùvwa mupìile to. Kanùvwa mwà kumwambila ne kubebula nsukì yèndè kùvwa kubi to. “Èè, bwà nsukì bwépi mwinè mwaba ewu?” Èè, yìvwa ne bwalu bwà Shimishòonà. Nwamònu anyi?

129 “Ewu yònsò wadìdinga kusàkidila dîyi dimwè ku Cyôci eci, anyi kuumushilaKu Dîyi dimwè.” Bikèngela wikalè ne nkàmisha mwaba kampànda.

130 Mpindyewu, cileeji, bu ne mvwa muntu wa—wa—wa—wa ba-Baptistes, ne wèwè kulwa kungambila ne ndi ne cyà kwikala—ndi ne cyà kubàtijiibwa mu Dîna dya Yesù Kilistò; cidi mu Bible. Èè, katanci aka anyi, ndi mufwànyine kwamba ne: “Nènkonkè mpaasàtà wanyi.”

131 Nènku ndi nya kùdi mpaasàtà; yèyè kwamba ne: “Kaa, aci’s ncintu kampànda cyà kale wàwa, wamònu’s. Èyowà, nwamònu’s, twètù ba-Baptistes, citùdi twitabuuja ncyôci eci; tudi twitabuuja ne bìvwa bìkèngela bwà twètù kwinyijiibwa mu màyi mu myànzu yà ‘Taatù, Mwàna, Nyumà Mwímpè.’ Mùshindù awu’s ke ùdi èkèleeziyà mujimà mucyènzè. Kacya ànu kwà kamwasà John Smith aku, mùshindù awu ke ùdiye mwenjìibwe.” Èè, s’ki nkàmisha webè nyèyè awu. “Kèna ùtàngila cidi muntu awu wàmba aci!”

132 Ambà tǔng wèwè mwikàle Méthodise, ne dimyaminangana dya màyi diikàle ndongolwelu wenù, kàdi bàkwambila ne udi ne cyà kwinyijiibwa mu màyi? Nudi bamòne cindì njinga kwamba aci anyi? Nudi nwalukila kùdi mpaasàtà wa ba-Méthodistes, ne yèyè neáfundè ne neàkonkè mwèpiskòpò, bu kampànda mwambe cikampànda pa cintu eci. “Kàdi twètù, èkèleeziyà wa ba-Méthodistes, twàkashiibwa kùkaadi bidimu nkàmà yisàtu anyi nkàmà yinaayi, mu Angleterre, kùdi John Wesley, ne Whitefield, ne bakwàbò bònsò abu kuntwaku, ne Asbury. Twakenza mukànda ewu, tulonda John Wesley, ne tudi ne cyà kumyaminyiibwa màyi, bwalu cidi ànu disaluka dya pambèl-... mmwènekèlu. Ne tudi twela meeji ne dimyaminangana dya màyi ndimpè ànu mùdibi mungà mùshindù awu amu.” Panwikalà mulelèlà... Piikalà èkèleeziyà wa ba-Méthodistes ke wenù nkàmisha, ki cyènu cinwàkwàtà kwàjiki.

133 Wêwè mwikàlè mwena Kàtòlikè. . . Nènku nènkwambilè ne, kacyèna mu Bible to cyà kubenga kudyà munyìinyi mu diitànù aci, ne bintu byònsò byà mùshindù ewu abi, ne “Ukaristiyà Munsantu kî ndyàmpà to, bwalu n’Nyumà,” ne bikwàbò. Ne uyààya kùdi nsaserdòsè webè, nsaserdòsè wàmba ne: “S’ncyòci eci, cifùnda mu mukàndà wetù ewu.” Nènku piikalà èkèleeziyà ke webè nkàmisha, kwàkutèya ntèmà ku cidi muntu kanà yònsò ewu ùkwàmbila nànsha. Aci’s ke webè nkàmisha.

134 Éyi Nzambì, kwàcishàku bwà eci cìtùkinèku! Bwànyì mèmè, cintu cyònsò mu kaabujimà ncyà mafi. Dìyì dyà Nzambì ke nkàmisha. Cyònsò cidi Dìyì adi dyàmba aci, dîbà adi ncyà bushùwà.

135 Mpindyewu, njila umwèpelè wa kubànda apa mu bipaapu ebi, ngunùdi mwà kwikala mu muntu mukèsè wa munda ewu; ne bìdi bikèngela bwà wêwè kwikala mudyànjlila kulongolola. Bwalu wêwè uvwa ne Nzambì, udi citùpà cyà Nzambì.

136 Mvwa munda mwà taatù wanyì. Mvwa kàbìdi mu kaakù wanyì mulùme, ne kakwèndè wa kaakù mulùme. Ku dimiinu, mvwa mu cyòci aci.

137 Ne mvwa munda mwà Kilistò. Wêwè uvwa munda mwà Kilistò kumpàlà kwà difùkà dyà dyulu ne buloba. Wàkalwa bwà kupikula Bèndè Yèyè mwinè, Bèndè Yèyè mwinè bàvwà munda Mwendè abu. Àlèluuyàh! Bàna Bèndè bàvwà munda Mwendè abu!

138 Yèyè kàakalwakù bwà—bwà kusungila bàna bà dyabùlù to. KabààdyàkuCimanyakù nànsha. Nènku bòbò mbatàmbe kupiluluka mu njila yàbò yà dilonga dyà maalu à mamanya à mu mutù adi, mu mùshindù wà ne kwena mwà kudifwànyikijakù naabò nànsha byà kumòna lufù to. Kwènà mwà kubàcimuna mu kwakula to. Kàdi, ku diitabuuja ke kùdi uCimòna.

139 Mpindyewu, maalu à mamanya kaàtu àkèngela diitabuuja nànsha dimwè to. Maalu à mamanya àdi àjaadika cìdibo bàmba aci. Kacyèna cikèngela diitabuuja nànsha dimwè to.

140 Nsaserdòsè wa Kàtòlikè neàkwambilè ne: “Tàngilà ntàntà udi èkèleeziyà wa Kàtòlikè kacya wàtwa makàsà pànshì. Tàngilà ntàntà udiyè kacya wàkandameena dikèngeshiibwa dyà kùdi bampanganù.”

Èkèleeziyà wa ba-Méthodistes ùdi wàmba ne: “Tàngilà kùneeku bule bwà ntàntà. . .”

141 Mèmè kumòna èkèleeziyà kmpànda. . . wàkula bwà cimanyinu cyà cyena lubombo; pàmvwà ngènda mbànda ne njila makèèlèlà awu, cìmvwà mèmè mumòne. Wàmba ne: “Èkèleeziyà wa Kilistò, mmwasa mu cidimu cyà 33 paanyimà pà lufù lwà Yesù.” Wabwalu awu kàyì mwànji kukùmbaja bidimu lukàmà to, nwamònu’s, dìngumba adi. Kaa, èkèlekè! “Dìlongesha dyà bàpostòlò”? Kabàyi ne cintu nànsha cimwè

to. Bôbò mbasadòkà bàà ditùkù; kabàyi ne Nyumà to, to. . . Ne kwèna ciwàbàmbila to; kwèna mwà kwakula naabò to; kwèna mwà kulukakaja naabò lungènyi to.

142 Bwalu, tudi tuya kule ne dilukakaja dyà ngènyi. “Kwikadi mweyèmène dyumvwa dyèbè wèwè mwinè to.” Diitabuuja kaditu dilukakaja lungènyi to nànsha kakesè. Diitabuuja didi diCiitabuuja.

143 Bàdi bàmba ne: “Mpindyewu, tàngilà kùneeku, udi witabuuja ne bìdi bikèngela bwà twètù kwenza bintu byà kalekale abi anyi? Macimbu’s wè! Aci. . .”

144 Kàdi Bible ngudi mwambè nànkù. Mémè ncyèna mwà kuumvwija mùdici cyènzeka to, kàdi cidi cyènzeka. Nzambi ngudi mwambe nànkù. Pa nànkù kanwèna ne. . . Ncyèna ne cìndi mwà kunwàmbila pa bwalu abu to. Diitabuuja kadyèna diCyùmvwija to. Nuvwaku bamanyè nànkù anyi? Diitabuuja didi ànu diCiitabuuja.

145 Yesù wàkambila Nikòdemè, wa ku kasumbù kàà San- . . . nsangilu wa bukwan’tèndeleeleu wa ditùkù Dyèndè; mulwè kùdiYe ciibufùkù, wàmba ne: “Mulongeshi, tudi bamanyè ne Wèwè udi Mulongeshi mufùme kùdi Nzambi, bwalu muntu nànsha umwe kí mmufwànyine kwenza bintu byùdi Wèwè wenza ebi to, ànu Nzambi mwikàle nendè.”

146 Yèyè wàkamba ne: “Bulelèlè, Ndi nkwambila ne: ‘Muntu yèyè kàyi mulediibwe cyàkàbìdi to, kèna nànsha mwà kumòna Bukalenge bwà Nzambi to.’”

147 Yèyè ne: “Mémè, muntu mukulàkàji mùndi emu, mbwela munda mwà maamù wanyi, bwà kulediibwa?”

148 Yèyè ne: “Mpindyewu mmunyi mungàakwambilà bintu byà mu Dyulu, pawikalà kùyi nànsha mwà kwitabuuja bintu byà pa buloba?” Nwamònu anyi?

149 Pashiishe Yèyè kwamba, dîngà ditùkù ne: “Nwènu kanùyì badyè munyiinyi wà Mwànà wa Muntu, kanùyì banwè Mashi Èndè to, kanwènakù ne Mwoyi munda mwènu nànsha.” Yèyè kàakacyumvwijakù to.

150 Bâpostòlò abu ne bôbò bàà mu ditùkù adi abu, bàvwà balongolwela Mwoyi abu; Yèyè wàkacimanya. Yèyè ne: “Bònsò bàdi Taatù muMpèeshe nebàlwe. Cintu cìmwèpelè cidi cikèngela wèwè kwenza nkumanyisha ànu Dìyi Dyànyi; bôbò mbacimanyè, bwalu mikòòkò Yànyi mmimanyè Dìyi Dyànyi.” Ne dîyi dyà mukana didi dîyi dileejìibwe patòòke. [Katùpà kàà mukàbà wà mèyi munda mutupù—Muf.] “Bàdi bàDiitabuuja, nànsha bìshi. Kabyèna bikèngela bwà kwikalabò bajaadika cintu nànsha cìmwè ku maalu à mamanya to, anyi kukonka Mùsadòka anyi Mùfaalèsà, anyi ní ncyènyi cikwàbò, pa bwalu abu. Mémè kucyamba, bàdi bacìitabuuja, bwalu mikòòkò Yànyi yidi yùmvwa Dìyi Dyànyi.”

151 Ne *Edi* n'Dìyì dyà Nzambi mu mmwènekelu wa dìletà, bwalu *Eci* ki dibuuludiibwa mu kaabujimà dyà Yesù Kilistò, Dipungila Dikùlukulu ne Dipyadìpyà bisanga pàmwè. Amen. Ki bwalu mbwòbù abu's.

152 Bwà cinyi? Wèwè udi wamba ne: "Aba mbantu bîmpè. Cidi cibavwija. . ." Bwalu, cintu cîmwèpelè ncyà ne, dikunji dyàbò dyà ciswikidi didi pa èkèleeziyà. Ne mwómò emu. . . Nudi bavùlùke mu dyàlumingu dishàale, kùkaadi lumingu lujimà; mbanganyì bàvwà kaaba aka ne bumvwè diyiisha pa *Balaaba Maanyì Mu Matùkù A Ndekeelu?* Ngèela meeji ne nwènù bônso. Nwamònu's, mbalaabiibwe maanyì. Nyumà yàbò mmilaabiibwe maanyì, mu cipaapu ciibìdì *eci*.

153 Mpindyewu, mukàjì wa kumpàla awu ùdi wàmba. . . To, yèyè kèna ùtèya ntèmà ku dìyì didi èkèleeziyà wàmba to, ku cidi muntu mukwàbò kanà yònsò ewu mwambè to. Yèyè nkaadibata kampànda kàà meeji matwè. Yèyè ùdi ne nkolèshilù wa mu cilongelu citùmbùke. Úvwa mwà kushimakaja bàyendè, ne kwela meeji ne ùdi ne meeji matwè mu dyanza dyà cyòci aci.

154 Mukàjì mukwàbò ewu ùdi "butaka, mpofo, kàdi kàyì mucimanyè to." Kaa, s'mbyà luse's, kadi's ki cimfwànyì cidi Bible ùtuzolela ncyòci aci. Mpindyewu, yèyè ùtu uya mu èkèleeziyà. Mukàjì awu, pàmwàpa mmufwànyine kwikala mwîmpè menemene, mukàjì awu mmufwànyine kwikala. . . Ùdi ne nsòmbelu mwîmpè, nsòmbelu mukezùke; kawkèna cintu nànsha cîmwè cyà dimupiiisha naaci to. Nzambi neikalè Mulumbulwishi wa cyòci aci. Ncyèna mumanyè to; mèmè ncyèna Mulumbulwishi to.

155 Mèmè ndi ànu. . . mwambùle bujitu bwà cidiYe ùndeeja. Ki cyàkambà bàpostòlò ncyòci aci. "Tudi twakula citùdì bamanyè, citùdì batèèlèje, citùdì bamòne." Ki cyònsò cindì mwambwile bujitu ncyòci aci. Ki cyònsò cyùdì mwambwile bujitu ncyòci aci.

156 Kàdi mpindyewu, nudi numòna's, bu nwènù mwà kwangata mukàjì umweumwe awu. . . Nkwèpì kùdifindilàye ne kuya? Nwamònu anyi? Wàkajèmbèlela's. Wàkumvwa, kakùyì mpatà to; mukàngulèkàngulè cisanji, misangu yàbùngì. Dìyì dyà Nzambi ndidì dyàkula, misangu yàbùngì. Èè, mpindyewu, nwamònu's, ùtu ùlwa mu kasùmbù aka, cyòta kampànda. Èkèleeziyà yònsò mbyòta. Bintu byònsò, aci's ncyà bushùwà menemene, bìdì ànu maswa cyanàànà mùdi bantu badisanga bu baamambàlà. Nènku yèyè ùtu ùlwa mwab'ewu; èè, aci's cidi cikùmbanangana nendè ànu bîmpè. Mpindyewu wèwè muyè kamwambila cidi cikèngela bwà yèyè kwenza, yèyè kààkukutèèlejakù to. Wèwè umuleejaci mu Bible; yèyè kààkuCitèèlejakù to.

157 Mpindyewu, mwanèètù wa balùme munanga, mwanèètù wa bakàjì, ànu kaadìyì kakwàbò kàmwè anyi túbìdì twà dyela nsèke kumpàlà kwà kujikija. Nkushààla tusunsa dikumi ne tùtaanu, bwà dîbà dyà kupàtuka; tusunsa dikumi ne tùtaanu.

158 Mpindyewu tàngilàayi, ndi muswè kunùkonkakù cintu kampànda. Mukàji wàwa kèna mwà kucimòna bwà cinyi? Kèna mwà kucimònakù bwà cinyi? Bwà bidì bitàngilà diikala dyà mu masandi mu mubidi ewu, kùdì bàyendè, kí mmupùile to; kèna ne cyà kutonda to. Ùdi kezukezu ànu mùvwàye ditùkù dyàkamulelèbo adi; mulùme nànsha umwe kí mmumulenge to.

159 Ndi ngènda ngàakula mùpàlakaje mpindyewu, mukàji ewu, ne èkèleeziyà. Yèyè ùdi kezukezu ànu bu mwàkamulelèbo. Èè, kí cyòci aci menemene cìdì èkèleeziyà, bu mwàkalediibwàye, kàdi yèyè “wàkalediibwa mu mpèkaatù, mufwimba mu bubì, mulwe. . .” Nudi numòna cìndì muswè kwamba aci anyi?

160 Mpindyewu umwambile ne mbibì bwà yèyè kukòsa nsuki yendè; Bible ngudi mwambe nànkù. Mbibì bwà kwikalayè ùvwàla tùpùtulù; Bible ngudi mwambe nànkù. Yèyè's mmufwànyine kwamba ne: “Macimbu's wè.” Bwà cinyi? Nkàmisha wendè kèna panshi *apa*, mu muntu mwisàtù awu to, musùukà wùdì mudyànjila kulongolola ne mutùmiiibwe kùdì Nzambì awu. Kàdi nkàmisha wendè ùdi pa bulongolodi kampànda pambèlu *apa*, bùdì muntu kampànda mwenzèlè bulongolodi ku Cyòci eci. Nwamònu anyi?

161 Kàdi Dìyì dyà Nzambì dyòdì disanganyiibwa mu musùukà awu, didi dyamba ne: “Amen! Ndi ncimòna.” Cìdì cìkùmbanangana naaDì. Mpindyewu tàngilàayi kunweku. Kí bwà cinyi, muntu udi mulediibwe kùdì Nyumà wa Nzambì awu. . .

162 Nwamònu's, mubidi wa pambèlu ngwòwò *ewu*. Nènku ndi ngàakula mu disangisha dyà batèeleji basambàkàne, ndi ne cyà kwakula bu—bu mpaasàtà wenù, bu mwànèènu wa balùme. Mubidi ngwòwò *ewu*, mmutekète, kí mùdiwu ne cyà kwikala. . . Inábànzà kampànda mutekète ùdi wènda ùpweka ne mùsèèsù; nsongàalùmè kampànda ànu mu bunsongà bwèndè amu, pàdiye ne bidimu dikumi ne mwandamutekète, dikumi ne mwandamukùlù, makumi àbidì, makumi àbidì ne bitaanu, anyi makumi àsàtù, wènda wèndakana muntwamu. . . Kàdi inábànzà mutekète ùlwa, wènda ùnyúkusha mu mùshindù wònsò, mubidi wèndè awu, wènda ùtwa ngendu muvwàle tulundu; mupàtàkàna yònsò mu bilàmbà kumpàla ne paanyimà; ne nkanzu mushiikidile kuulu kwà binù ntàntà bule *nùnkù*, ànyì muvwàla kàpùtulù. Nutukù bamanyè ne Bible mmwambe ne yèyè neènzè maalu mùshindù awu anyi? Nudi bamanyè's, Bible mmwambe ne mùshindù awu kí ùvwàye mwà kwenza, mùvwàye mufwànyine kwikala mukooyike ànu menemene.

163 Nuvwakù babale eci kaaba aka, mu cibèjibeji cyà *Reader's Digest* cyà ngondo ewu, ne: “Balùme ne bakàji bàà ditùkù edi, bàna bakesè bàà bakàji, bàà bidimu makùmi àbidì anyi makùmi àbidì ne bitaanu, bàkaadi bapicishe cikondo cyà kuya ku mashi,” bwà ne nudi nupicila mu dishintuluka dyà mwoyi

mu cikondo cyà pankaci cyà mwoyi aci, bilondèshile maalu à mamanya, pankaci pàà bidimu makumi àbìdì ne makumi àbìdì ne bitaanu. Kale wàwa bìvwa pabwîpi ne bidimu makumi àsàtù anyi makumi àsàtù ne bitaanu, mu cikondo cyànyì. Mu cikondo cyà mamwányi, mukàji kàvwa ùlekela ditwà dyà panshì kàyì mwânji kukumbaja bidimu makumi ànaayi anyi makumi ànaayi ne bitaanu nànsha.

¹⁶⁴ Ncinyi aci? Mbipicile ku maalu à mamanya, ne byàkudya, bisopakaja, bìdì bicyòm-pàkàje mubidi mujimà wà muntu too ne mutùdì balwè kushààla musumbà wà—wà—wà mushiki wà dibola. Èè, piikalà mubidi ewu munyanguke, kî mmùdì kabulu kàà bwongò bùdì mu mubidi awu pààkù anyi?

¹⁶⁵ Mpindyewu tàngilàayi Nyumà, udi ucilonda awu. Nekùlwe cikondo, mu Dinà dyà Mukalenge, ciikalà bantu mwà kubùluka ànu byètù byà menemene ebi. Ki mùdì Bible wàmba. Nebèlè mikunda ne mbilà mikolè; bintu binène byà bikwàcisha bwòwa mu didifwányikijila dyà mu mitù yàbò. Tudyòmmbà ne bikwàbò, ndongamu yètù yà ku tèlèviziyò, yidi munkaci mwà dibipàtula. Nekwikalè bintu byènzè bu mùdì tunkenene byàjuukà pa buloba, bìikalà ne butumbùke bwà micì dikumi ne yinaayi; nekwikalè nyu—nyu—nyuunyi wabùuka ùkòsolola buloba eku ne eku, mwikalè ne mapwàpwa bucyàmà bwà kilòmèètà yisambòmbò anyi mwandamukùlù; ne bantu bààbimòna, nebèlè mikunda ne bèèla mbilà mikolè, ne bàdila myadi bàlòmba luse. Kàdi neciikale Bipùpù. Indilaayi too ne pàngàayiishà pa dikàngudiibwa dyà Bipùpù abi.

¹⁶⁶ Tàngilàayi nùmòne cyàkenzà Mòsà mu buumùntù bwà mubidi, kabiyi mu Nyumà to, pàakambàYe ne: “Mòsà...” Nzambi wàkambila Mòsà ne: “Pàtukà kwàka,” wambila mu profetà Wendè, “ambulà dyanza dyà lupwishi, ùdyèlè muulu mu lupeepèlè wàmbè ne: ‘EMU MMÙDÌ MUKALENGE WÀMBA, nkùpà neyilwe pa buloba.’” Kakùvwa nkùpà to. Katanci aka, kubangabo kumòna cintu kampànda cyènda cilandala mu cisuku. Bàtàngila kwàka, kwikalè cintu kampànda cikwàbò. Nènku dyà kààleelù ewu, yìvwa myenze mupimbu mu mùshindù wà kùyì mwà kupìcilamù nànsha.

¹⁶⁷ Yàkafùmina penyi? Nzambi m’Mufùki. Yèyè ùdi mwà kwenza cidiYe muswè. Yèyè mmudishikàmine. Yèyè ùvwa mwà kwenza nyu—nyuunyi uvwa mwà kwolola—kwolola mapwàpwa èndè kuumukila ku elu luseke lwà buloba too ne ku lukwàbò.

¹⁶⁸ Kwambayè ne: “Njiiji yilwe, kubwikidijayi buloba bujimà.” Kakùvwa lujiiji nànsha lùmwe mu ditunga amu to. Katanci aka anyi, lujiiji lwà kale kubangalù lùbùuka eku ne eku. Katanci aka anyi, mwandamukùlù anyi dikùmi, dikùmi ne yibidì eyi pwàà. Katanci aka anyi, kùyiku mufwányine kupicila mu yòyi to. Nzambi, Mufùki awu, ùtu ushààla mukwàte ku Diyì Dyèndè.

169 Ki kwololayè dikombo dyèndè adi, ku dîyi ditùma dyà Nzambi, ne kwambayè ne: “Ndimbà yibandè ne yibwikilè buloba.” Ki ndimbà kulwayi too ne mwà kayùngwijäbo, mishiki, dinunka divwa myaba yònsò, mîngà misangu butùmbùke bwà mètres dikumi anyi dikumi ne àtaanu, à ndimbà. Yivwa too ne mu kabàdì kàà—kàà Pälò. Yivwa mu... bävwa bàbuulula drap, ne mùvwa mufwànyine kwikala ndimbà mwinshì mwà drap amu, mwinshì mwà bulààlu amu, mu mu byädidyà. Kwònsò kùvwäbo bàya aku, kùvwa ndimbà, ndimbà, ndimbà. Yivwa mifùmìne penyì? Nzambi, Mufùki awu, mmudìshikàmìne. CidìYe wàmba aci, Yèyè neàcyenzè!

170 Ne Yèyè wàkamba ne nekwènzekè bintu byà byènza bwòwà pa buloba. “Mikùmbì ne nsukì bu yà bakàjì,” nsukì mile, bwà kulumbatangana ne bakàjì bàdì bàkòsa nsukì yàbò abu. “Mènù bu à nyama wa ntambwe; ne tulonda ku mikilà yàyi, bu tumìnyiminyi; mmifwànyina kutàcisha bantu, munda mwà ngondo ne ngondo.” Indìlaayi ànu cyanààna too ne patwàbwela bwà kukangula Bipùpù ne Bitampì abi, ne Mikungulu Mwandamutekète ayi, tàngilàayi nùmonè cidì cyènzeka. Kaa, mwanèètù, mbitàmbe bwìmpè kufika ku Goshen pàcidiku dìbà dyà kufika ku Goshen apa. Kùtùmikù ntèmà ku citùpà cyà pambèlu eci to.

171 Tàngilàayi kùneeku. Ki inàbànza mutekète nyèyè ewu ùdinyonda mu mùsèèsù; ki nsongààlùmè nyèyè ewu, mèsù èndè adi àcimòna. Yèyè ncidimba cyà èkèleeziyà. Yèyè mmwena Mpenta. Ùdi cyònsò cidìye mwà kwikala aci. Kàdi katancì aka anyi, kamwènakù dikunji dyà kukwàcilakù *muntwamu* to. Mukàjì awu neàmbè ne: “Wetwawu.” Nsongààlùmè ne nsukì yà mvwàngalà, ne wa mmwènekèlu mulenga, wa makaaya malulame; pàmwàpa muteete bwà kwikala ne nsòmbelu mujaalàme. Nsongààkàjì awu ùdi wàsa lwendu mutàngile kùdìye aku, pèndè nànsha muyiishi’s. Dyà kààleelù ewu anyi... .

172 Ncinyì aci? Eci pambèlu *apa*, dijinga dyà mubidi; kàdi nyumà udi munda *emu*, pèndè mulaaba maanyi, wàmba ne: “Kwenji nàнку to, kùcyènji to.” Kàdi ciinè aci necyènzè cinyi? Necìbangà ànu kunyùnguluka, cikwàta kuntwaku, ki cyòci ciyaayà cyàcya. Katancì aka anyi, ùdi ùteeta kupungishangana ne mwànà wa bakàjì awu. Yèyè mmupìile bwà kwenda kwà masandi, ikale mumulenge anyi to.

173 Kàdi, mwànà wa Nzambi mushùwashùwàlè, mulediibwe cyàkàbìdì! Amen! Kwèna mwà kudyènzelaçi wèwè nkààyebè to. Kabyèna mwà kwenzekakù to nànsha bishi bwà mulùmè wetù wa—wa mulema njimba ewu kwikalayè wènda kumpàla kwà mukàjì mùshindù awu, kakùyì cintu kampànda cyènzeka to. Kàdi pàdìku Cintu kampànda munda emu; Cintu kampànda cikesè cilediibwe cyàkàbìdì aci mwaba *ewu*!

174 Nànsha bu muntu awu mufwànyine kwikala mwelè mbilà,

mwakùle mu myakulu, mutùpìke, muje maja, ne bikwàbò byònsò, mulaaba kùdi Nyumà; mwenze bimanyinu byònsò ne maalu à kukèma bìvwa Nzambì mwambe mwômò amu abi, ku Nyumà Wendè! Yesù wàkamba ne: “Bààbùngì nebàlwe kùNdì mu ditùkù adi, bàmba ne: ‘Mukalenge, ncitukù mwambe bipròfetà mu Dìna Dyèbè anyi? Ncyênàku mwipàte baadémons mu Dìna Dyèbè anyi? Ncyênàku. . .’” Yèyè ne: “NguuMùkilaayi apa, nwènù benji bàà bubì abu.” Bubì ncinyi? Cintu kampànda cyùdì mumanyè mwà kwenza, kàdi kùyi ucyènza to. “NguuMùkilaayi apa, nwènù benji bàà bubì; Ncivwa nànsha munùmanyè to.”

¹⁷⁵ Kàdi munda mwà muntu awu amu, dikunji dikesè dyà ciswikidi adi dyòdimù, Dimiinu dyà Nzambì divwà didyànjlila kulongolola kumpàla kwà difùka dyà dyulu ne buloba adi; Cidi cyènzekà nànsha ciikàle cinyi, cidi cimulama. Cidi ne cyà kushàalakù.

¹⁷⁶ Ki bwà cinyi mukàji awu neàvwalè tùpùtulù. Mmubadiibwe ndumba, ànu byà mwomùmwe ne mukàji udi mu cyenzedi awu. Nwamònu anyi? Kì mmumanyè ne nyumà awu. . . Mmunyi mùdiye mumanyè? Nkàmisha wendè's.

¹⁷⁷ Nkàmisha ncinyi? Mmwákù wà ndekeelu. Nkàmisha ki amen. Ki ndekeelu wa dikòkangana dyònsò, nkàmisha webè.

¹⁷⁸ Nènku piikalà èkèleeziyà webè, èkèleeziyà wa beena Mpenta, udi ukwambila ne: “Nsuki mile ne bikwàbò bìdi ànu dikolesha dyà maalu. Wèwè udi ne ndundu wa diselèfù wa màshinyi, mu dikoshi dyà mutù webè,” ne bikwàbò, bintu byà mùshindù awu abi, muntu awu mmukwàciibwe kùdi dyabulù.

¹⁷⁹ Bwalu, Dìyi dyà Nzambì ndyàmbè ne: “Bìdi bundù bwà muntu mukàji kukòsayè nsuki yèndè. Neàfwishè mutù wèndè bundù.” Yèyè ùfwisha bàyèndè bundù, ne bàyèndè ng'Èkèleeziyà, ne Èkèleeziyà n'Kilistò, yèyè ndumbà mufwishèibwe bundù wa mu ntèdeleelu; mwikàle butaka kàdi kàyi mucimanyè to. Butakà! Bible kàtu mwambèku ne: “Cibwikilu cyà mukàji nsuki yèndè anyi”? Nsuki kí mmimupèèbwe bu cibwikilu anyi?

¹⁸⁰ Dìngà ditùkù, ku Cibàsà cyà Cilumbulwidi kwàka! Ndi muditacishe bwà kupongolwelamu Bwanga, ne kushààla muBùkwàte ne byanza byànyì, kàdi udi uBùtwila ànu panshi pankaci pà minu. Nzambì neàbàlumbùlwishè dìngà ditùkù. Aci ng'EMU MMÙDÌ MUKALENGÈ WÀMBA. Kacivwa musumbà wà dibùluka to, anyi mupâlè kampànda wa kale musalùke yònsò to. Kì nnànkù to. Bwalu, n'Dìyi dyà Mukalenge.

¹⁸¹ Nènku mwena Kilistò mulelèlè, mushùwashùwàlè neàkumbanganè ne muntu wa munda awu, Nyumà uvwaku kale ku cibangidilu awu, udi mwikàle Dìyi awu.

¹⁸² Bu mùvwàYe kaabujimà kèènù nwènù bònsò, nuvwa munda Mwèndè kwàka ku Kàlvaryò. Yèyè ùvwa mudyànjlilè kumanya

ne uvwa mwà kwikala mwab'ewu. Ùdi ànu ùkòbola civwà mwà kwenzeka. Nènku wèwè uvwa munda Mwèndè; wakafwà Nendè. Wâkafwà ku maditambishi èbè awu, wâkafwà ku myòdelè yèbè ayi, wèwè wâkafwà ku byà pa buloba. PàvwàYe. . . Wèwè wâkafwà Nendè ku Kâlvariyo, ne wèwè wâkabiika Nendè ku lufù pàakabiikàYe ku lufù mu ditùkù diisâtù apu. Nènku bwalu udi mucitàbe, mpindyewu udi musòmbe mu myaba yà mu Dyulu mu Kilistò Yesù. Àlèluuyàh!

¹⁸³ Ki bwalu mbwòbù abu. Mmuntu wa munda awu. Ngwa munda awu washindumuna Dîyì awu, walamakanangana ne Dîyì, nànsha byà kumòna lufù. Kwèna mwà kupanga kucyènza to. Mémè ndi muciyiile, kùkaadi bidimu byàbúngì.

¹⁸⁴ Mwanàanyi mukesè wa mu dibòkò mulaadika apa, ùpunga ne lufù. Mukàjàanyi mulàadika mwaba apa mu. . .mu—mu nzùbu wa bitàlu emu, mwela manga à dibenga kubola ne mulaadika panshì. Kumbiikilabò kuntwaku, ne Sharon ùvwa ùpunga ne lufù. Ki diteeciibwa dyà ditàmbe bukolè dínkaadiku mutwilàngàne naadi kacya bândela ndyòdi adi. Mwua ne bidimu bitwè ku makùmi àbìdi ne bitaanu. Mémè kupàtuka pambèlu apu, kàdi Billy Paul mulàale ùpunga ne lufù.

¹⁸⁵ Ngàngàbukà Sam kulwayè, wàmba ne: “Bill, ncyèna ngèèla meeji ne netwikalè mwà kupàndisha Billy to. Nènku mémè. . .” Yèyè kwamba ne: “Ùdi bibi be.” Yèyè ne: “Bill, ndi nkuumvwila luse be.” Kungeelayè mabòko ku nshingù.

Mémè kwamba ne: “Doc, ncyèna ne dikàndà kàbìdi to.”

¹⁸⁶ Mèbà àbìdi, mémè kumubiikila, mwanàanyi wa mu dibòko, Sharon, ndi muyè nendè lùbilu kuntu kwàka, yèyè. . .bwà kumumòna mu munkaci mwà dibazuka; kabivwa bifwanyiine kwimana to. Mbamutwè kashìngì mu mufùbà wà mwongo; mbawùtùbùle, bapàtùlemù tuumàyi, disaamà dyà cyàdi cyà nshingù wa kabàla. Ki kwàjiki.

¹⁸⁷ Mémè kushidimba lubilu mutàngile mu lùpitaadi; mémè e kwimanyika màshinyi ànyi à kale awu pambèlu apu, kupàtukamu e kutwàdija kuya mutàngile ku cibambalu aci. Ki Sam ulwàlwa ewu mu cibambalu, ne cifulu cyèndè mu cyanza, udila mwadi, kungeelayè dibòkò ku nshingù, wàmba ne: “Alùkilaaku paanyimà, Bill.”

Mémè kwamba ne: “Mbwalu kaayi abu?”

Yèyè kwamba ne: “Kwèna mwà kumumòna to.” Yèyè kwamba ne: “Ùdi ùpunga ne lufù, Bill.”

Ki mémè ne: “To, Sam, bwà wanyi wa mu dibòko awu twatàmba nkàshàmà.”

¹⁸⁸ Yèyè ne: “Èyo.” Yèyè ne: “Kùmuloombukù nànsha, Bill. Bu yèyè mufwanyiine kwikala ne mwoyi,” kwambayè ne, “ùvwa mufwanyiine kwikala ne lutàtu.” Kwambayè ne: “Mmufwanyiine kwikala ànu muditonya misangu yònsò, ne ùvwa mwà kushàala

mutàcìshìibwe matùkù èndè ônsò à mwoyi.” Yêyè ne: “Ûdi ne nshìngù wa kabààla.” Yêyè ne: “Kùyì pabwìpi nendè to; neù—neùfwishishè ànu Billy cyanàànà wèwè mwenze nànkù.”

Mémè ne: “Sam, bikèngela mmumòne.”

¹⁸⁹ Yêyè ne: “Kwènà mwà kwenza nànkù to, Bill. Ndi—ndi nkukàndika. Mpindyewu, udi mumanyè mündi nkutwà mushinga, ne wèwè udi mulunda wanyì ne bikwàbò byònsò,” yêyè ne: “mùshindù mwinè ûndi nkutwa mushinga’s,” yêyè ne, “ne mùshindù mwinè ûndi nkwitabuujà’s, Bill,” yêyè ne, “kàdi kùyì—kùyì kùdì mwànà aku to.” Yêyè ne: “Wèwè mwenze nànkù, . . . Disaamà dyà nshìngù wa kabààla’s didi pambidi pèndè.” Nwamònu anyì? Yêyè ne: “Neàye mu tusunsa tukesè emu, ne,” yêyè ne, “udi mwà. . . netùmujiikè.” Yêyè ne: “Bill, ndi ànu nkuumvwila luse be.”

¹⁹⁰ Ki yêyè kubìikila, wàmbila, kubìikila mungàngà mukàji, bwà kumfùndilayè bwanga bwà mùshindù kampànda. Yêyè ne: “Ncyèna mumanyè mùdì muntu ewu mwimànyine kuulu to.”

¹⁹¹ Mémè kwimana ndambù mwaba awu. Yêyè kubwela ne bwanga abu. Mémè kusòmba panshi, mu cibambalu awu. Yêyè kwamba ne: “Sòmba.” Ki mungàngà mukàji kulwayè naabò, kwambayè ne: “Nwàku ebu, Mwanèètù Branham.”

¹⁹² Mémè kwamba ne: “Twasàkidila. Anji bùtèèke panshi apu kakesè.” Mwenzè ànu ùmuka nùnkù, mémè e kubùpòngolwela mu dilòngò dyà kutwìdila mata; kwaluja verre panshi.

¹⁹³ Mémè kusòmba mwaba awu. Mémè kudyàmbidila ne: “Éyi Nzambì wa yaàya, cìndi mwenze ncinyi? Wèwè udi Nzambì mwìmpè. Wàmulekèdì ùfwa bwà cinyi, ditùkù adi, mémè mukwàte mabòkò èndè àbìdì makesè mùshindù awu?” Mmusèngeleela bwèndè. “Bwà cinyi Witàbì bwà kuyayè? Ki Billy udi mulààdika pààpa wàwa, ùpùnga ne lufù; kàdi’s ki wabakàji n’yèyè ewu, ùpùnga ne lufù. Cìndi mwenzè ncinyi? Ngambilaaku! Èè, mbipicìibwe ne mémè muyè naabò.”

¹⁹⁴ Mémè kuunzulula ciibi, ne kakùvwa mungàngà mukàji nànsha umwe mwaba awu to. Mémè kudifinda e kubwela mu nzùbu wa mwinshì mwà buloba. Piinè apu mpàvwà lùpitàadi kalùyì lwànji kulongolodiibwa to. Tuseengelu, kakùyì tuseengelu ku màdìdiishi to, bikolè, ne njiji mimwikile pa twìsù twèndè tukesè atu. Mvwa ne cipese cyà mushèètèkela, mutùdì tucibìikila, bukòndò bubwikila pampàlà pèndè. Mémè kwipata njiji; mulààdika mwaba awu. Twìsù twèndè tukesè atu, wàkatàmba kukènga bikolè mu mùshindù wà ne tùvwa tupilùlùke.

¹⁹⁵ Pashìishe Sàtaanà kuseemenayè ku luseke lwànyì aku, e kwambayè ne: “Ukààdikù mwambè ne Yêyè ùvwa Nzambì mwìmpè anyì?”

Mémè ne: “Éyo, mémè’s ndi mwambe nànkù.”

196 “Wèwè utu mwambe ne Yèyè uvwa Mwondopi anyi? Èè, kàdi bwà cinyi tatwèbè wàkafwila mu mabòkò èbè kuntu kwàka, mwinè awu wèwè umubiikila, yèyè ngènzàmpèkààtù, usèngelela bwà mwoyi wèndè? Bwà cinyi mwanèènù wa balùmè wàkafwila mu mabòkò à mwanèènù wa balùmè mukwàbò, kuntu kwàka, piinè apu ngwèwè mwimàne mu cyambilu uyiisha, kùkaadi ndambù wà mbingu?” Yèyè ne: “Kàdi bwà cinyi Yèyè kì mmukwandamune? Wèwè’s utu mwambe ne Yèyè mmukunange ne mukusùngile.”

197 Yèyè kàvwa mwà kungambila ne Nzambi kàtukù to, bwalu nkààvwa mumanè kuMumòna. Kàdi yèyè ùvwa ùngambila ne Yèyè kàvwa ùncyùka to.

198 Yèyè ne: “Ki mukàjèèbè wàwa mulààle. Bàna bèèbè bàà mu mabòkò nebiikalè kàbìdi mwaba wàwa mu citùpà cikesè emu. Tatwèbè mmujiikiibwe. Mwanèènù wa balùmè mmujikiibwe. Ne mukàjèèbè neàjiikiibwè mpindyewu, mààlabà ewu. Kàdi mwanèèbè mukwàbò wa mu dibòkò nyèyè ewu, ùpunga ne lufù. Yèyè ùdi ànu Nzambi mwímpè anyi? Huh? Yèyè m’Mwondopi anyi?” Yèyè ne: “Udi mutèkèmène mbùmbà ne ncilundù!”

199 Cyàkenza cinyi? Kuumukila ku . . . cìvwa cìkwàta mudimu wà pambèlu, mpindyewu, bwà muntu wa kumpàla ewu.

200 Yèyè kwamba ne: “Mpindyewu tàngila. Udi mumanyè’s, paùvwa kùkaadi ndambù wa bidimu, kùkaadi bidimu bu bibìdi anyi bìsàtù nàнку awu, kumpàla kwà wèwè kwitaba Eci, bàvwa bàkutwa mushinga munkaci mwà bantu. Uvwa ne nsòmbelu mwímpè, mukezùke. Nsongàakàji kanà yònsò ewu mu cimenga, uvwa ujinga kupàtuka, ùvwa ùpàtuka neebè, bwalu bàvwa bàdýumvwa bakezùke ne baneemèkiibwe.” Ndi mwà kwimana kumpàla kwà yònsò wa kùdìbo. Ncitu mwanji kupenda nànsha umwe, ncitu mwanji kwamba ní ncinyi ní ncinyi to. Bu yèyè mene muditwàla bibì, mvwa mwà kumwaluja kumbèlu. “Ne wèwè uvwa muswiibwe munkaci mwà bantu. Kàdi cyùdi cinyi mpindyewu? Mukoleshi wa maalu à butèndeledi.”

201 “Ncyà bushùwà. Ke cìmvwà.” Nudi numòna bintu ebi bibanga kutentemuka pàmwè anyi? Byà pambèlu, dilukakaja dyà ngènyi mu nyumà, dyèndesha bintu ebi pàmwè. “Ncyà bushùwà, Sàtaanà.”

“Nènku wàm̀bì ne Yèyè ùvwa Mwondopi anyi?”

“Èyo. Hum. Èyowà.”

202 “Kàdi pèèbè eku usèngelela udila ne mwadi, kàdi bantu eku bàkwambila ne kàbìvwa nàнку to, bàmba ne wèwè udi mupàtùke mu njila. Èkèleeziyà wèbè mwinè mukwipàte, bwà Eci. Èkèleeziyà wèbè mwinè wa ba-Baptistes kuntu kwàka, mmukwipàte, bwà bwalu bùmwebùmwè abu.”

“Èyowà.”

208 Ndi mwenze ànu ngàmba nànkù anyi, e kulwakù Cintu kampànda cyùmukila mwaba kampànda mukwàbò, lwà munda menemene. Yèyè ne: “Wèwè udi nganyi, twamb’eku twamb’eku? Mukalenge nguvwa mufile, ne Mukalenge ngwàngàci.” Nwamònu’s, ki muntu wa munda nyèyè awu, kakùyi dilukakaja dyà lungènyi nànsha dikesè to.

209 Mémè kutàngila paanyimà, kudyambidila ne: “Ndi mufike pa buloba bishi? Ndi mufùme ku musumbà wa baakanwàyi. Ndi mufikè apa bishi? Udi mumpèèshe mwoyi nganyi? Udi mumpèèshe mukàji awu nganyi? Udi mumpèèshe mwànà wa mu dibòkò awu nganyi? Mukàjàànyi mmufùmìne penyi? Mwoyi wànyi mmufùmìne penyi?” Mémè ne: “Nànsha Yèyè munshebèye, nànsha nànkù nèmMweyèmènè.”

Mémè ne: “Nkàtùkìlà apa, Sàtaanà!”

210 Mémè kutenteka cyanza pa mwànà awu. Mémè ne: “Sharon, munanga wanyi, nènkutèèkè mu mabòkò à mamwèbè mu tusunsa tukesè emu, pààlwà Banjèlò bàà Nzambi bwà kuya neebà, kàdi dīngà ditùkù papa neànùmònè cyàkàbìdì. Ncyèna mumanyè mwikalàbi to, kumanga wanyi. Ncyèna mwà kunwàmbila mùdìbi to; dībà dyàkangeelàYe nyimà, kàyi mwà kutèèleja nànsha bwènù nwènù to.”

211 KulekelaYè mukàjàànyi ùfwa, ne mémè mumukwàte ku byanza, munkaci mwà kumudila. Ne papa wanyi, mu mabòkò èndè, wàkamfwila mu dibòkò edi ànu *mwab’ewu*; muntàngile, ùteeta bwà kupetulula mweyelu wèndè. Ki mémè kusambila ne mwànyi mwònsò. Mmunyi mùmvwàku mufwànyine kukùngamangana cyàkàbìdì ne bantu, bwà kuyiisha dyondopa dyà kùdì Nzambi? Mmunyi mùndiku mufwànyine kuyiisha ne Yèyè ùvwa Nzambi mwìmpè, kàdi kulekela papa wanyi sungasunga ùfwa, ngènzàmpèkààtù? Mmunyi mùmvwà mufwànyine kuyiisha ciinè aci? Ncyèna mumanyè ne mmùshindù kaayi to, kàdi ndi mumanyè ne Yèyè mmubinge.

212 Dìyi dyà Nzambi kadyàkupangilakù to. Nedicimuna, nànsha ciikàle cinyi. Dìbà adi mémè kumanya ne kùvwa Cintu kampànda munda mwà dilukakaja dyònsò dyà lungènyi, Cintu kampànda munda mwà masaluka wònsò, bikwàbò byònsò byà mùshindù awu abi. Kùvwa Muntu wa munda uvwa mukwàte mu dībà adi. Cintu cikwàbò nànsha cimwè kacivwa mwà kwikala cicyénsè to; dilukakaja dyònsò dyà lungènyi, byònsò’s bìvwa mwà kuleejibwa, byònsò’s bìvwa mwà kujaadika ne Cìvwa cyà mafi, ne mémè mvwa mu cilèma. Kàdi Dìyi dyà Nzambi, divwa didyànjlila kulongolola kumpàla kwà difùka dyà dyulu ne buloba adi, dyàkashààla dikwàte munda amu.

213 Mémè kuumvwa Kaalupeepèlè kakesè kapìcila mu nzùbu amu. Nyumà wèndè uvwa uya bwà katuutakeena ne Nzambi.

214 Mwanèètù wa balùme, mwanèètù wa bakàji, lekèlè nkwabìlè, Ki cintu cimwèpelè ncyòci aci. Kùteeci bwà kulukakaja lungènyì pa Cyòci aci to. Kanùteeci bwà kwikala ne nsuki mile ànu bwalu mèmè ngudi mwambè nàнку to. Kanùteeci bwà kwenza bintu ebi, bwalu, ànu mu mubidi wèbè to. Kùteeci bwà kucyènza, ànu bwà kukùmbaja mukiyà kampànda to. Kàdi indilà ànu cyanààna kumpalà kwà Mukalenge, too ne piikalà Cintu kampànda munda amu!

215 Bààbùngì bàà kunùdi bàdi bèèla meeji ne, bwalu wèwè udi ne nsuki mile, mbwena kwamba ne wèwè uyàaya mu Dyulu. Aci kacyèna cyàmba nàнку to. Bààbùngì bàà kùdibo bàdi bèèla meeji ne, bwalu wèwè udi mukàji mwimpè, wa nsòmbelu mwimpè, ne uyàaya mu . . .? . . . Kabyèna nàнку to. Bààbùngì bàà kùdibo batu bèèla meeji ne, bwalu èkèleeziyà yàbò, ne mbàà ku cyòci eci, ne bisumbu binène ebi, ne balongeshi banène mu Bunzambi. Aci kacyèna cyumvwija aci to. Nwamònu anyi?

216 Bààbùngì bàdi bèèla meeji ne, bwalu bàdi bààkula mu myakulu, bàdi ne Nyumà Mwimpè. Aci kacyèna cyumvwija aci to. Nànsha mùdibi ne, Nyumà Mwimpè ùdi wàkula mu myakulu. Ànu pàdi Nyumà Mwimpè mulelèlè, mushùwashùwàle udi munda amu awu mwà kukumbanangana ne Dìyi dyònsò! Piikalà Nyumà Mwimpè udi munda mwèbè, udi ukwenzeja bwà wèwè kwakula mu myakulu awu, ùtàngila paanyimà pààpa kàdi kàyi ùpetangana ne Dìyi dyònsò to, dîbà adi n'nyumà mubi. Nwamònu anyi?

217 Cidi ne cyà kwikala cìfùmina munda, cidi Dìyi, dyà ku cibangidilu. “Ku cibangidilu cyà bufùki bwà Nzambi,” pààkabangà Nzambi kufùka, kukufikisha ku diikalakù, nudi numòna’s. Wàkatwàdija kale wàwa bu dimiinu, ne wèwè kutùngunuka too ne kùdi mpindyewu. Nènkù, dîbà adi, uvwa yònsò mu Kilistò. Ne pashiishe pààkafwà Kilistò, Wàkafwà bwà kukùpikula wèwè yònsò. Ne wèwè udi citùpà cyà Dìyi *edi*, ne mmunyì mùdiku mwà . . . Bible, Yèyè yònsò! “Kanungu pa kanungu, mulongo pa mulongo; ndambù apa, ndambu pààpa.” “Katòba nànsha kàmwè anyi kafulu kakaàadyàkupangilaku to.” Mmunyì mùdiku wèwè nànsha byà kumòna lufù, mwikàle citùpà cyà Dìyi adi, mwà kupangakanangana ne bikwàbò byà ku Dyòdi adi, anyi citùpà cyàDì?

218 Nzambi ànùbènèshè. Nkàadi musambùke dîbà mpindyewu. Ncìvwa ne meeji à kwenza nàнку to, kunùlama mukùngùlù mule nùnkù ewu. Numfwilaayikù luse mùndi munùlamè; ncyèna ndòmba luse bwà cimvwà mwambe to.

Tukàadi ànu ku ndekeelu kwà cintu kampànda, balundà bàanyi.

219 Nwènù bònsò kaaba aka, ngèèla meeji, nudi ànu bidimba byà èkèleeziyà wa kaaba aka. Ncìtu ntamba kulwa apa, misangu bùngì bukùmbàne, bwà kumòna bidimba bidì kaaba aka to. Ndi

ndifwànyikijila ne nwênù bônsò nudi balu bàà mwab'ewu bàà pa ciibidilu. Swâyì nnwambileku cintu kampànda cidi cyenzèke. Nenùmpèèsheku, twambe ne, tusunsa tukwàbò tùsambòmbò anyi? [Disangisha didi dyàmba ne: "Amen."—Muf.]

220 Révérend Mukalenge O. Walker wa mu Oregon uvwa kaaba aka dyà—dyàlumingu dímvwà kaaba aka adi, ùdi mwab'ewu anyi? Kùdikù muntu kampànda udi mumanyè bwalu abu anyi? Cìvwa ncintu cinène, cyà pabwàci.

221 Mémè kulwa mwaba ewu, muvwa bantu bààbúngì be muneemu emu, mvwa—mvwa ne. . . Mvwa ne mushiki wà miyiiki yà bàbìdì, ne umwe ne umwe wa ku yôyi ùvwa ne mushinga; mwanàabu mulela wa balùme, bàna balela, basèlàngàne, baakanwâyì bàà maalà, ne—ne bintu bishiilèshiiilàngàne, ne bintu bìvwà byà mushinga. Muntu yônsò wa kùdìbo ùvwa mufwànyine kwikala bamumòne. Ncyèna mwà kwenza byônsò abi to. Nènku ndi nnùlàmbula kùdì Nzambì, ne mbatentekela byanza byànyì, mu disambila. Mémè kwamba ne: "Éyi Nzambì, ncyèna—ncyèna mufwànyine kucyènza to. Ndà kùdìbo, Mukalenge, enzàku. . . Wèwè's udi mumanyè mwà kucyènza. Ndi nsambidila muntu ne muntu."

222 Billy kumbiikilayè. Ki mémè kubwela ànu cyanaàna ne Mwanèètù Banks. Yèyè kwamba ne: "Papa, bu wèwè. . ."

223 Nènku, tàngilàayi, ntu misangu mikwàbò mmòna bantu bàpita mu màshinyì lwà pambèlu pàapa, mu mùsèèsù, batàngila ku nzùbu. Nènku ndi mbàtàngila, mbàkupa cyanza mùshindù awu, ne bàdì—bàdì ànu bu bàdì bàkùdimuna mutù. Ncyèna muswè bwà nwênù kwenza nàнку to.

224 Ditùkù dikwàbò pàvwàbo bàsùmba mwaba awu ku Tucson kwàka bwà mémè kusòmbelamù, Mwanèètù Tony ùvwa ne mwaba kuntu kwàka ùvwaye úswa bwà kunsùmbila, mwinè awu wà ùyiila mushinga wà mwaba utùdì ewu misangu yisàtù anyì yinaayi. Yèyè mene ùvwa muswè kwelamù binunu byà ndola byàbúngyó, byà mu mpaaya mwèndè. Kàdi mùshindù ùmwèpelè ùdi ubwelamu, mulami wa ku ciibi uvwa mwimàne mwaba awu. Munène ne wa kafyondo. . . Èè, cidi nzùbu mulamakaja kuntwaku. Kàdi ewu. . . Bantu bàdì basòmbèle kuntwaku, bikèngela wikalè ne dyanyisha difùnda, dîbà adi mulami wa ku ciibi ewu ùdi ùkubùikila bwà kumòna ní bìdì bimpè bwà kubwelabò.

225 Mémè ne: "Udikù mwà kudifwànyikijila, mémè ewu, bàna bèètù bàà balùmè ne bàà bakàjì bàdì bàlwa bwà kummòna abu, bàdì baswè kundabula ku cyanza ne kundòmbela mabènesha à Nzambì abu, udikù mufwànyine kudifwànyikijila mémè ewu mudikàngilèmu anyi, Tony?"

Yèyè ne: "Èè, wèwè's udi ne. . ."

226 Mémè ne: "Tony, awu mùshindù ngùdì èkèleeziyà ne bônsò abu bàkàndika bantu bwà kabàseemenyi pabwípi to," Mémè

ne: “aci mbwà bantu bàdi ne byònsò bìdibo baswè bwà mèmè kwenza.”

227 Bòbò, bàdi bàmba ne: “Èè, Mukalenge ngudi mungambile. Àlèluuyàh! Nènshaalè ànu kaaba aka. Butùmbi kùdi Nzambi’s wè! Mukalenge mmungambile ne bìdi bikèngela wenze disangisha kaaba aka mu kasùmbù kèètù emu. Èyowà’s, mukalenge, butùmbi kùdi Nzambi’s wè! Nzambi ngudi mungambile aci. Wèwè kùyi mwenzè nànkù to, Mwanèètù Branham, s’ukàadi mutwè cìmpìngà cyà bushùwà.” Mèmè munda amu nteeta bwà kulonga, nwamònu’s. Ki cyôci aci, nwamònu’s. Ne bantu bimpè bààbùngì bàdi bàpanga, bwà kubwela, bwà bwalu abu.

228 Ànu mùdi muntu ùya bwà kulemba mu ferme emu. Mwena ferme wamba ne: “Bwela. Udi mwà kulemba.” Kàdi ùpàtuka muntwamu ne wasa umwe wa ku ngombe yèndè; kalulù ne kàpicile mwinshi mwà ngombe amu, wèwè kwasa ànu kàlulù, nànsha bìshi. Ubàndila ku cimanu, pamutù pàà kuyiila ku dikunji ne kubànda bu mùvwà muntu wa kaneemu mufwànyine kwenza; ubàndila ku lupangu kàdi kulùcibula mùshindù awu. Nwamònu anyi? Dìbà adi yéyè neàmbe ne: “Nènkàndike bwà kubwela!” Ncyèna—ncyèna mmudyulakù to nànsha kakesè, nànsha kakesè. Èè, ùdi wenza cinyi? Ùdi ùpangishì cilembi wa kaneemu bwà kubwelayèmu. Bìtu ànu mùshindù awu misangu yònsò. Bubi ke bütù bùpangisha bwîmpè bwà kukòòkeshabò. Ke mùtùbi pa ciibidilu.

229 Mpindyewu, kàdi bantu abu bàdi, binunu bàdi mu lukèngelu lwà menemene ne bantu bàà musàngèelu, bantu bàà dinanga, bùle tètè ne ngàsà wa Nzambi.

230 Mpindyewu tudi ne cyôci eci, mùdi bantu aba bàlwa mùshindù awu. Katwèna, katwèna baswè aci to, to.

Kàdi muntu ewu yéyè wàkalwa . . .

231 Billy kwambayè ne: “Lwàku mpindyewu, lùkàsà menemene, papa.” Yéyè ne: “Mandamu Waldrop ùdi kwinshì eku ne bàmwè bantu bàpùnga ne lufù; ùdi ne cyà kubàmònakù ànu dyàkàmwè.” Ki mèmè kubwela lùbilu; kupweka muneemu.

232 Nènkù mu dyalukila, e kwambabò ne: “Kakwèna muntu nànsha umwe panshi apa to pa kuumusha muntu udi mulààle tulù mu kabadi ku luseke eku, lwà pambèlu pààpa, pa musààmù ditùkù dyònsò, ku luseke lwà nzùbu aku.” Yéyè ne: “Mmuswè bwà ùmusambidilè.”

Mèmè ne: “Èyo.” Kwambayè ne: “Ndi mmubweja.” Mèmè kubwela.

233 Kùvwa, ngèèla meeji, màshinyi à Cadillac miimàne lwà paanyimà apa, anyi màshinyi kampànda à manène. Mèmè kubwelamù, pàvwa. . . Ki muntu awu kwambayè ne: “Wetwàwu.” Yéyè kàvwa mummanyè to.

234 Ki mèmè kubwela. Ki Mwanèètù wa bakàji Waldrop, mukwàcikwètù awu, kubwelayè. Nudi bamanyè's, yèyè ùvwa . . .

235 Nudi bamanyè bwalu bwèndè, kî mmwômò anyi? Nwamònu's, ùvwa ne kànsèrè; wàkafwila mu mulongo wà babèèdì, bu dîbà dijimà nàнку kumpàlà kwà mèmè kufika kùdiye. Ngàngàbukà wèndè kulwayè, kuleejayè. . . Kùkaadi bidimu bitwè ku dikùmi ne mwandamukùlù, ne kànsèrè mu mwoyi, nwamònu's, kàdi yèyè ùdi ne mwoyi leelù ewu. Ne yèyè mmusòmbe mu Arkansas mwàmwa mpindyewu.

236 Nènku ùvwa ùsanganyiibwa mu Phoenix, dîbà adi. Ki yèyè ne: "Mwanèètù Willie, mvwa nkina bwà kubwela mùshindù ewu, kàdi," yèyè ne, "ncìvwa ne mwaba wà kushààla to. Bààkenza . . . Kwambabò ne ewu mu- . . . mukàji ewu neàfwe. Kaa, Mwanèètù Willie!"

237 Yèyè ne: "Mvwa muswè nkutwàdile mulàmbù mukesè mu cyanza, Mwanèètù Willie," mwàkambayè, "kàdi ncìvwa mwà kucyènta to. Kàdi ndi mukukàngile tumpùlùmànje mu dikopo."

238 Kaa, pangàbwedi muntwamu ne kumòna nzàbà ya makopo yìvwàye mutèèke mwaba awu ayi, Mèmè. . . Cyàkamwèka cyà cijila menemene bwà mèmè kucìdya. Nwamònu anyi? Mukàji mukesè mununu munanga, wa bidimu bìpacila ku makumi mwandamutekète awu. Mèmè kwamba ne: "Mwanèètù wa bakàji Hattie. . ." Ncìvwakù—ncìvwakù mufwànyine kwamba ne to nànsha. To. Yesù wàkamòna mukàji mukàmba awu wèla tuumeeyà túsàtù, ne Yèyè—Yèyè—Yèyè wàkamulekela nàka. Nwamònu anyi? To. Nzambi neàmufutè bwà bwalu abu. Èyowà's.

239 Ne pa nàнку Mukalenge wàkondopa mukàji awu, wàkondopa cyònsò cìvwàye pèndè naaci aci, mubuulwila mpaasàtá wèndè cìvwàye, mukàji, ùvwa mu meeji èndè, ne cìdiye ne cyà kwenza, cikwàbò cintu. Nènku, kaa, bònsò bààkapàtuka, bènda bèèla mbilà.

240 Ki Billy kubwelayè lubilu. Kwambayè ne: "Papa, wàwa muntu wàwa's mmuyè. Ncyèna mwà. . ."

Mèmè ne: "Udi pambèlu pààpa mu kàshinyi wàwa nganyi?"

241 "Kaa," mwàkambàye, "muntu kampànda muumùkile ku Oregon, wàmba ne mmulòòte cilòòta cyà mùshindù kampànda. Ki mèmè kumwambila ne: 'Ncìvwa mwà kukupèèsha ditèkemena dyà mashimi to. Kùdi bantu nkàmà yìsàtù kaaba aka, bindile mpindyewu.'" Ki yèyè ne: "Ki mèmè kumwambila ne: 'Fùnda ànu cilòòtá aci cyanààna.' Yèyè ne: 'Ndi naabi mushikì munwemu emu, bule *nùнку*, nànsha bìshi, ne ndi ànu ncìsàkidilakù.'"

Mèmè ne: "Bwelà nendè. Mupèèshè tusunsa tutaanu."

242 Èè, muntu awu mmwenzè ànu ùbwela, tusunsa tutaanu anyi? Yèyè ne: "Mèmè ndi Révérend Walker," ngèèla meeji ne ke divwà dínà dyèndè, "wa ku Oregon." Ndi ngèèla meeji ne yèyè

ngwa mu dingumba dikwàbò kampànda, ncyèna mumanyè to, Presbytérien, cintu kampànda cyà ba-Presbytériens.

243 Yèyè ne: “Ndi mutwilàngàne neebè kùkaadi bidimu bitwè ku makùmi àbìdì. Ndi mulwè ku Grants Pass kùvwà...” Kí nku Grants Pass to, ndi mupwè mwoyi dínà dyà mwaba awu. “Mwaba awu,” yèyè kwamba ne, “mu ditungà dijimà, mitù yà maalu mu cibèjibeji mu dindà dyònsò.” Yèyè kwamba ne: “Bantu bònsò bàvwa bamanyè bwalu abu.” Wamba ne: “Ncìvwa mwà kufika nànsha ku nzùbu kùvwà usanganyiibwa aku to, kàdi mèmè kukumòna ujuukila kuulu. Ki dínghà ditùkù, mu mùsèèsù, mèmè kuseemena,” yèyè ne, “bantu bànaayi anyi bàtaanu bakunyùngùlùkile, kí mèmè kukulabula ku cyaanza. Nènku wèwè. . . Mèmè kukwambila ne mvwa Mwanèètù Walker, ne wèwè kungambila dyèbè.” Kwambayè ne: “Twètù kwambilangana ndambù yà mèyì, ne pashiishe bantu bàsàtù anyi bànaayi banène bàvwa bènda bàkusàka;” Yèyè ne: “Ncìvwa mukudyudi to, ne ncìvwa mutwè ku cyèbè to.” Yèyè ne: “Ncìvwa ànu muumvwè to.”

244 Yèyè ne: “Byàkatùngunuka mùshindu awu munda mwà bidimu ndambù, ne paanyimà pàà katanci,” yèyè ne, “mèmè. . . muntu mukwàbò kungambilayè bwà kulwa kutèelejaku ndambù wa mikàbà yà mèyì, kùkaadi bidimu bitwè ku bisàtù.” Ki yèyè ne: “Muntu awu kwelayè mikàbà yà mèyì. Nènku, mmwenze ànu uyèèla anyi,” yèyè ne: “mèmè kumuumvwà wàkula.” Ki yèyè ne: “Muntu ewu ùvwa wítabuujà ne wèwè ewu uvwa mu—mupròfetà. Mèmè kwamba, mèmè kwambila muntu awu ne: ‘Ncyèna mumanyè bintu abi to; mbifwànyìne kwikala nànkù, bwà ku dyànyì pàànyì dimanya.’”

245 Pa nànkù, kwambayè ne: “Pashiishe muntu mukwàbò kubwelayè mu cimenga cyètù, kwenza disangisha, kí mèmè kutuutakeena nendè. Kí yèyè ne: ‘Ndi mupròfetà wa Nzambì bwà ditùkù edi.’”

246 Yèyè ne: “Balùmyànà nudi búngì bishi kuntwaku aku, twamb’eku twamb’eku?” Yèyè ne: ‘Ndi—ndi—ndi ngumvwa mwaba wùdì muntu mulùme kaaba aka ùtèeleja mikàbà yà mèyì, wamba ne: “William Branham, lwà ku esètè kwàka, ùvwa mupròfetà wa ditùkù,” ne bintu byà mùshindù awu.’”

247 Yèyè ne: “Muntu ewu...” Ncyàkutèèla dínà dyèndè to, bwalu kabyèna byùmvwika bímpè to, mwab’ewu, nudi numòna’s. “Kí yèyè ne: ‘Ndi mumanyè William Branham,’ yèyè ne, ‘kàdi’s Dilongesha dyèndè ndyà mafi.’ Yèyè ne: ‘Yèyè kí mmwena Mpenta to; kàtu wítabuujà cileeeji cyà mbangilu to.’ Kí yèyè ne: ‘Cikwàbò cintu, yèyè ùdì wamba ne kùdì bapròfetà bàà bikunda ne bàà twànàtwànà. Cintu bu nànkù kacitukù to.’ Yèyè ne: ‘Wèwè udi mupròfetà anyi kwènà mupròfetà to, ne kí cyònsò cidìku.’”

248 Yèyè ne: “Èè, mukalenge, ndi . . . ncyèna mukòkàngàne neebè pa bwalu abu to. Mémè kwamba ànu ne ngùmvù muntu ewu wàmba ne muntu ewu, William Branham . . . ne muntu ewu ùvwa ùdyàmba mùvwàye mupròfetà.” Yèyè ne: “Mvwa ànu ndikónka ne bàvwàku bùngi kaayi.”

249 “Yèyè kwamba ne: ‘Kàdi ndi muswè nùmanyè bwalu ebu. Mémè ndi mupròfetà wa cikondo eci.’”

250 Yèyè ne: “Èè, ki cyùdì?” Yèyè ne: “Mukalenge àkubènèshè ne ìkalè neebè.”

251 Yèyè kutùngunuka, kààkatùmakù ntèmà ku biinè abi to. Ki yèyè kwamba ne wàkakùtula, munkaci mwà bàna bàabò, mulongolongo wà masangisha àsàtù anyi ànaayi. Ne kupwekayè ku birò, wàmba ne: “Kùshintululu—kùshintululu kwà kupetela mikàndà mimfùndila to. Uyìshiyè ànu mwab’ewu too ne pangàalukilà, mu matùkù matwè ku ànaayi anyi àtaanu.”

252 “Èyo,” mwàkambàbo. Mbatèèke kabèji pamutù apu, ne kanùshintululu to.

Kupwekayè ne kumònayè mwanèndè wa bakàji.

253 Nènku mu njila wa dipàtuka amu, yèyè—yèyè kwimana ku èkèleeziyà kampànda. Nènku yèyè kwenza disangisha dyà dilòòlò adi. Dìndà dyàkalonda, kwambayè ne wàkabanga ànu kwela meeji ne: “Ndàaku ùkangàte mikàndà yìvwà mishààle kulwa.” Ne pàkenzàye nàнку, mùkàndà ùmwèpelè kuumukilawù ku poste ne kufikawù kùdì mwanèndè wa bakàji; mwanèndè wa bakàji mutùme kuntwaku, yìvwà mishààle bwà kufila.

254 Ki yèyè kuwùbululayè. Ke kwambayè ne ùvwa muntu mulùmè, Mukalenge Hildebrandt, mwìnè awu mmulundà wanyì, nyèyè muntu uvwa wela mikàbà yà méyì awu. Yèyè ne Mukalenge Hildebrandt ewu ùvwa ne dîyì kampànda dyà kùdì Roy Borders (nènku yèyè awu ngumwe wa ku balombodi, nudi bamanyè’s), bwà ne mvwa ne cyà kuya kalombola masangisha kuntweku, à kubangila mu dyà matùkù makumi àbìdì ne mwandamukùlù too ne mu ditùkù òmwè, bwà ne àlwa kudimwena yèyè nkàâyende.

255 Yèyè ne: “Mpindyewu, tàngilàaku kùneeku, balùmyànà abu bàteeta kunkokela mu cintu bu nàнку awu!” Nwamònu anyi? Ki kwelayè ànu mukàndà awu mu cìtungà cyà mabèji à kwimansha, e kutùngunukayè, nwamònu’s, ànu nàнку. Mémè kubwelamù ne kwenza disangisha adi dilòòlò adi. Ki pàakacyàbu mu dìndà . . .

256 Pashìshe kutwàdijayè kudìkwàta pa mwoyi, ùdila mwadi, ànu mu cibambalu amu.

257 Yèyè ne: “Mukalenge Branham, ndi mfika ku dyumvwa ne bìdì bikèngela mémè kwimana kumpàla kwà Nzambì.” Yèyè ne: “Ncyèna mumanyè ní mvwa mulààle anyi cyàkenzekà aci to.” Yèyè ne: “Ndi mulòòte. Twàmb’ànù ne mvwa mulààle tulù ne mémè kulòòta.”

258 Kwambayè ne: “Mémè kwela meeji ne mwanàànyì wa balùmè, mu cisalu, ùvwa mwelè cianza cyèndè mu—mu mufuku.” Ki yèyè ne: “Pààkenzàye nàнку, cívwa mmufuku wà bimuma byà pommes, ki byòbì byònsò kwicikila.” Kwambayè ne: “Pangààyi bwà kubyàngula, byònsò bivwa bimuma byà pommes bibishi bikunya musangu ùmwè.” Kwambayè ne: “Mvwa munkaci mwà kubyàngula, mbyàluja mu mufuku.” Kwambayè ne: “Bimwè byà ku byòbì kupàtukabì, kubùngulukabì, pa nàнку mémè kuya nteeta bwà kubipeta, nènku mwinshì. . . mu mashinda amu.” Ki kwambayè ne: “Byòbì kubùnguluka mwinshì mwà mpangu myela minyòòlolo eyi. Nènku kùvwa cibeeba cinène cívwa cipita kuntwaku. Mémè e kutàngila paanyimà lwà ku esètè, nènku,” mwàkambàye, “mu—mu—munyòòlolo ùvwa muswikila ku—ku dibwe dinène paanyimà lwà ku esètè. Ki mémè kwalukila kuntwaku, e kudyàmbidila ne ndi mufwànyine kulekela mnyòòlolo ewu wùpweka, pashiishe kuya kangata bimuma byà pommes bwà muntu awu.” Kwambayè ne: “Mémè kubanga kupwekesha mnyòòlolo awu.”

259 Yèyè ne: “Dìyì kunyùkushadi buloba bujimà.” Yèyè kwamba ne: “Buloba kunyùkushiibwabù, lwà mwinshì mwà makàsà àànyì.” Ki yèyè kwamba ne: “Paanyimà pàà bwòbù humanè kulekela dinyùkuka, mémè kuumvwa dìyì.” Ki yèyè kwamba ne: “Mwanèètù Branham, cívwa n’dìyì dyèbè,” yèyè ne, “mémè kumanya ne; kùvwa cintu kampànda cívwa cicyàmbe.” Kwambayè—kwambayè ne: “Dìvwa dyambè ne: ‘Nengèndelè kàbìdì mu kajila aka!’”

260 Ki kwambayè ne: “Mémè kutwàdija kutàngila kuulu kwà lubwebwe, nùнку ewu, mémè kutàngila ntàntà, kumutù kwà matutu. Kàdi lwà kuulu kwàka, mwimàne pa lubwebwe lùvwà lwalàbàle lutwè ku esètè ne ku wesètè, lusongòloke mùshindù awu, bu cipaapu cyà musàkà, lwalùkila too ne ku esètè eku, nènku,” yèyè ne, “ki wèwè uvwa mwimàne mwaba awu, pa kabalù kàmvwà nciyikù mwanji kumòna kàà nàнку to kacya bàndela; kabalù kanène katòke, musàlala mutòoke mulembèlèle.” Ki yèyè ne: “Wèwè uvwa muvwàle bilàmbà bu mfùmù wa ba-Indiens, ne bintu byònsò bìdì ba-Indiens bàkwàta naabì mudimu.” Kwambayè ne: “Ùvwa ne cibwikilu cyà pa cyàdì; ne bikànu ku mabòko, ne bintu bilembèlèle mùshindù awu.” Yèyè ne: “Uvwa mwele byanza muulu mùshindù awu.” Ki yèyè ne: “Kabalù aku kiimàne mwaba awu bu kabalù kàà bàsàlaayi, kiikàle kènda lwendu lwà bunème mùshindù ewu,” mémè mwimàne tèndè. Ki kwambayè ne: “Wèwè kukòka mikàbà yà kuludika nayì kabalù, kuya mutàngile ku wesètè.”

261 Kwambayè ne: “Mémè kutàngila panshì apu, nènku mwaba awu ùvwa beena maalu à mamanya bùngì cyakaa.” Nènku pààkacyàbu mu dindà. . . Adi dìvwa ndyà diisambòmbò. Mu dindà dyàkalondà, mémè kuyiisha pa beena maalu a mamanya, nudi bamanyè’s, mùdìbu bàà dyabùlù. Ki yèyè ne: “Beena

maalu à mamanya bàvwa bàpòngolola bintu mu bipanza, ne bàbisambakaja.” Yèyè ne: “Wàkiimanyika kabalù aku, e kwela cyàkàbìdì byanza byèbè muulu ne kwela lubilà lukolè ne: ‘Nengèndelè kàbìdì mu kajila aka!’” Ki yèyè ne: “Buloba bujimà kunyùkushiibwabù. Bantu abu kunyùkukabò,” yèyè ne, “kubàndulukabò e kutàngilanganabò muntu ne mukwèndè, nànkú *awu*, e kutàngilabò kuulu kùvwà. Kusàkabò ànu makaaya àbò, e kutùngunukabò lukèbukebu lwàbò lwà maalu à mamanya.” Ki yèyè ne: “Wèwè kubanga kuya mutàngile ku wesètè.

²⁶² “Nènku pààkenzekabi,” mwàkambaye, “mèmè kumòna muntu ewu wàkadibìikila ne mmupròfetà awu, nudi bamanyè’s,” yèyè ne: “wàkabànda pa kabalù kàvwà kasambàkàne ne diikala ditòòke ne diikala difiike pàmwè aku.” Ki yèyè ne: “Kujuukayè wènda ùlonda kabalù kanène kàà mpolondo aka.” Kwambayè ne: “Bìvwa,” mwàkambàye: “muulu kumutù kwà matutu, ne njila kàvwa mubaalùlùke kupita *apa* to.” Ki yèyè ne: “Kabalù aku kàkaavwa ànu kàja maja, ku lupeepèlè lùvwà lùtuntumika masàla ne bikwàbò byònsò pa—pa nkooici webè apu,” ne kwambayè ne: “dìbà adi mwalala wà kabalù ne mukila bìvwa bipeepa. Mfùmù munène, kabalù kanène katòòke, kènda ànu mu mulongo.” Ki yèyè—ki yèyè ne: “Mulùmjànà ewu kulwayè lùbilu paanyimà pèèbè, ùfùmuna ku Canada,” ne muntu awu mmusòmbele mu Canada. Ki yèyè ne: “Alukila, nènku,” mwàkambayè, “kwangatayè kabalù kèndè kakesè aku, ùteeta bwà kukùlula naakù kabalù kèèbè kanène aku; kukàbùnguluja; kutuuta cifùkà cyàkù ku. . .” Yèyè ne: “Kakààkanyungishakù kabalù kanène aku to; kààkatùngunuka ànu ne kwenda kuya.”

²⁶³ Yèyè ne: “Pashìishe, dyàkàmwè,” mwàkambàye, “wèwè kukùdimuka.” Yèyè ne: “Aci’s ncifwànyìne kwikala musangu mwisàtù ùvwà wakula awu, kàdi bwà musangu mwibìdì udi mwambè ne ‘Nèngèndè mubànde pa kabalù.’” Ki yèyè ne: “Kùvwà mwakùle muwàkaakulà amu to. Wakatùma dìyì.” Yèyè ne: “Wèwè kukùdimuka e kubiikila muntu awu mu dìnà dyèndè, ne kwamba ne: ‘Umùkà apa! Udi mumanyè ne muntu nànsha umwe kèna mwà kwendela mu njila ewu pàdì Nzambi kàyì mumulongòlole bwà kucyènza nànsha. Umùkà apa!’”

²⁶⁴ Ki yèyè ne: “Muntu awu kukùdimukaye.” Kwambaye ne: “Muntu awu mmumfùndìle mikàndà.” Ne kwambayè ne: “Mu cifùka cyà kabalù kèndè,” cifiike ne cyà lusengasenga aci, bisambakaja pàmwè, wàmba ne: “mu cifùkà cyà kabalù kèndè mùvwa mufùnda dìnà dyèndè, cyàlà cyèndè ciywa menemene ànu bu mùdì pa mukàndà wèndè amu. E kuyayè mutàngile ku nord.”

²⁶⁵ Yèyè ne: “Pashìishe wèwè kutùngunuka ne kupweka; kabalù kanène aku kukùdimukakù, wèwè kuya mutàngile ku wesètè ne mwèbè mwònsò.” Yèyè ne: “Wèwè kwimana e kwela byanza byèbè muulu mùshindù *awu*.” Ki kubangayè kudila mwadi.

Yèyè ne: “Mwanèètù Branham, pa kumòna kabalù aku kiimàne mwaba awu; kafulu kàà mvità aku ne byònsò mùshindù awu, ne,” mwàkambayè, “cibwikilu cyà pa cyàdi aci ne byònsò byèla nsèsè.” Kwambayè ne: “Wèwè kushààla mulama byanza byèbè byela muulu munda mwà katanci.” E kwambayè ne: “Wèwè e kutàngila kàbìdì panshì, wèwè kwambula mikàbà yà kwendesha naayi kabalù, e kwamba ne: ‘Nèngèndelè ànu mu kajila aka cyàkàbìdì!’” Yèyè ne: “Buloba bujimà bwàkanyùkushiibwa bùtwa kumpàla bùtwa paanyimà, nùнку ewu.” Ki yèyè ne: “Kakùcìvwa kàbìdì mwoyi munda mwànyì to; mèmè kumbà kupona ànu ku luseke lwà lubwebwe alu. Pashìishe mèmè kutàbuluka.”

Yèyè ne: “Cìdi cyùmvwija cinyì, mukalenge?”

Mèmè ne: “Ncyèna mumanyè to.”

²⁶⁶ Pàakacyàbu mu dindà . . . Junior Jackson, wàkalòòta pa bwalu bwà cipaapu cyà musàkà awu, nudi bamanyè’s, pàngàakapàtukà kuya ku wesètè. Nudi bavùlùke aci anyi? Yèyè kumbiikila, kùdi ngondo mujimà anyi yibìdì kumpàla kwà cyòci aci. Ûvwa mulòòte cilòòtá cìvwa cìmutàcìsha; cìvwa cìkèngela bwà yèyè kungambila. Ki mèmè ne: “Billy . . .”

²⁶⁷ Kùvwa bantu batwè ku makùmi àbìdì biimàne mwaba awu. Yèyè ne: “Junior Jackson, lwà kwìnshì aku, yèyè ne bìvwa bìkèngela bwà kukwambilayè cilòòtá aci.”

Mèmè ne: “Mubwejèku, ànu bwà tusunsa tutwè ku tùtaanu cyanààna.”

²⁶⁸ Kubwelayè ne mukàjèndè, nènku, kwambayè ne, mbwà ikalè bu ntèmù. Yèyè ne: “Ndi mulòòte, Mwanèètù Branham, mèmè ne mukàjàanyi tuvwa bapàtùke mu màshinyi.” Ki yèyè ne: “Mèmè kupingaja mèsù paanyimà ku esètè, ke mèmè kumòna, byènze bu, kantu, bu kàmwè kàà ku tuumàlòngò tùdi tùbùuka muulu atu.”

²⁶⁹ Nwamònu’s, bàà pa buloba kî mbamanyè ne ncinyì to, nudi bamanyè’s. Nudi bamanyè ne ki mùdìbì’s. Twètù tudì bamanyè cìdìci. Nwamònu anyi? Tudi bamanyè ne m’Banjèlò bakenkeci, bàà cilumbulwidi, nudi numòna’s. Ne mùshindù ùdì ku Pentagone ne byònsò, bwà mùshindù ùdìbì byènda bìpwèka panshì; ne meeji, mùshindù ùdìbì mwà kuya bu mukenyi wà mvùla ne kuyiilàmù, bìdisàka kule ne cintu kanà cyònsò cìdìbu naaci aci. [Mwanèètù Branham udi utuuta cishòndò—Muf.] Nwamònu’s, kabèèna bafika ku dyumvwa ne bwalu bùdi cinyì to, nwamònu’s. Bàdyélèlè meeji ònsò àdìbo baswè kwela awu. Bàdi bàbìbìikila ne ntuumàlòngò tùdi tùbùuka, anyi ní ncinyì cyònsò. Kî mbamanyè to, nwamònu’s.

²⁷⁰ Yèyè ne: “Ki mèmè kucimòna cìlwa, ki mèmè kucitàngila. Ne cìvwaìci, cìvwa mmuntu pa kabalù.” Ki yèyè ne: “Ûvwa wènda ùlwa ne lùbilu lwà mukenyi wà mvùla.” Yèyè ne: “Mèmè kumòna ne ùvwa ùlwa kutùlùkila mumpàla mwànyì. Ki mèmè

kwimanyika màshinyi àanyi, kudyela pambèlù. Pàakenzekàbi,” mwàkambayè, “kàshinyi. . . kabalù kàvwa kiimàne mu njila, kabalù kanène katòòke kàà bàsàlaayi kènda ngendu yà mazengù.” Aci’s n’Dìyi, ncyà bushùwà, nudi bamanyè’s, dyènda ngendu yà mazengù.

271 Yèyè ne: “Kuvwa muntu musòmbepù.” Yèyè ne: “Ûvwa— ùvwa muvwàle nkooci wa cyena ku wesètè; kàvwa mulami wa ngombe to, kàdi,” yèyè ne, “ùvwa ne mmwènekèlu wa mfùmù ku mutù kwà balami bàà diitu anyi cintu kampànda.” Nwamònu’s, bukòòkeshi bwà bumfùmù bwèndè bwònsò, bwà ku wesètè; ba-Indiens kumutù kwà ba-Indiens; balami bàà diitu, nwamònu’s. Ki yèyè kwamba ne: “Muntu awu ùvwa ne cifulu cyèndè cipwekesha, ne ùvwa ne. . . ùvwa mutàngile ku luseke.” Ki yèyè ne: “Pààkakùdimukàye ku luseke,” yèyè kwamba ne, “ùvwa ngwèwè, Mwanèètù Branham.” Yèyè ne: “Kwàkaakula mütù wakula amu to. Wèwè kwamba ne: ‘Junior!’” Kumubiikila misangu yisàtù. “Ki yèyè ne: ‘Nènkwabìlè cyà kwenza.’” Ki kwambayè ne: “Pashìishe wèwè kukòka mikàbà yà kabalù aka. Wèwè kuseba mipwa mitwè ku yisàtù, ne wèwè kuya mutàngile mu maulu, ne wèwè kuya mutàngile ku wesètè.”

272 Yèyè ne: “Anji indila kakesè, mèmè kukènzakana, nènku ki kulwakù kabalù kashààdile ku bukesè ku kòkù aku, kàà dimiinu òmwèdìmwè adi, kàdi kashààdile ku bukesè, e kwimanakù mwaba awu.” Yèyè ne: “Mèmè kunyunguluka, kwamba ne: ‘Yèyè ùdi ne cyà kwikala mukàntùmìne.’” Yèyè ne: “Mèmè kubàndapù.” (Junior ùtu mwendèshe kabalù kakesè, yèyè pèndè. Yèyè kwamba ne: “Udi mumanyè mùdi cisòmbedi cyèbè cyà pa kabalù aci cìkukùmbànà’s, Mwanèètù Branham, bidyaci lu byà makàsà ne bikwàbò byònsò abi’s?”) Yèyè ne: “Mèmè kudyàmbidila ne: ‘Èè, aka’s nkankùmbànyine lahalaha bimpè be.’ Ki mèmè kukòka mikàbà, mutàngile mu maulu.” Kwambayè ne: “Mèmè kukòka mikàbà e kukiimanyika, kukàkùdimuna e kwalukila. Nwamònu anyi? Pàngàakaalukilà,” yèyè ne, “mèmè kwimanyika kabalù aku, kutùuluka, kuyiikila ne mukàjàanyi. Kabalù aku kàkaavwa kayè.” Ki yèyè. . . ? . . .

273 Pashìishe, dyàbwàbwa adi, kùkaadi matùkù àsàtù, Leo Mercier kulwayè, kupwekaye ànu menemene ne cilòòtà cìmwècìmwè aci, kàyi mumanyè kantu nànsha kàmwè pa bwalu abu to; bwà kuteeta kusangisha kabalù kàà mpànga kanène katòòke ne kàà dishina kafìke, kàdi kabàyi ànu bàfùdisha kucyènza to; ùvwa mubìndùlùke. Yèyè ne mèmè kusemena mwab’awu, kwamba ne: “‘Leo,’” ne kumwambila cingamwambidì aci. Ncyèna muswè kucyàmba kaaba aka to, nwamònu’s, kàdi mèmè kumwambila cingamwambidì aci. “Kwamba ne: ‘Kwenàku umòna anyi? Mpindyewu, bwà kumanya eci; ncìvwa mumanyè ne Ed Daulton ùvwa ne mukù wèndè to, ne muku wèndè awu ùvwa ne mbwa mwikàle ne dìnà edi to. Neumanyè, Leo, ne udi munkaci mwà kulòòta. Kàdi, paùdi

utàbuluka, vùlukàku cintu eci!” Ki yéyè ne: “Kacya ncítukù mwanji kuumvwa dituma dyà díyì dyà mùshindù wàwa to.”

²⁷⁴ Pa diine díbà adi, ki Roy Roberson kubwela, kwambayè ne: “Mwanèètù Branham, udi muvùlùke kale wàwa kumpàlà kwà wêwè kuumuka mu èkèleeziyà musangu wà kumpàlà anyi? Tuvwa . . . Mvwa mukumòne musòmbe, bu mu Pàlèstinà. Tuvwa bônso, kasumbù kàà balombodi ne bikwàbò byônso, tuvwa basòmbe bu mùdi mèèsà à Mukalenge, ne pashiishe wêwè kwakula. Ne wêwè . . . Yéyè kàvwa mutwìshìibwe bwà cyúvwà munkaci mwà kwamba aci to.” Yéyè ne: “Ditutu ditòoke kupwekadi e kukwangata, kuya neebè.” Mbanganyi bàdi bavùlùke ci—cilòòtà cyà Mwanèètù Roy? Ki yéyè ne: “Ditutu ditòoke adi kuyadi neebè,” ki yéyè ne, “pa díbà adi wêwè uvwa muyè. Mémè kwenda mu mìsèèsù, ngènda ngèèla mbilà mikolè ndila mwadi.”

²⁷⁵ Pangààkalukila apa, ne dibòkò dyà kale dikesè dyà bulèma adi, mwèndè ne kale, munkaci mwà kubala cintu eci. E kwelayè ratò panshì e kutwàdija kudila mwadi pàakammònayè ngènda ndwa. Ncìvwa mumumòne to bwà kundondelayè cilòòtà aci. Ki yéyè kwamba ne . . . Nènku ùvwa munkaci mwà kwela ratò. Mémè kwamba ne . . .

²⁷⁶ “Ki—ki wêwè kuumuka kuya.” Yéyè ne: “Mémè kuya mu mìsèèsù, myaba yônso, nteeta bwà kukupeta. Ncìvwa mwà kukupeta to, mwaba nànsha wùmwe. Mvwa munkaci mwà kwela mbilà mikolè ne: ‘Kaa, Mwanèètù Branham, kùumukukù to!’” Yéyè ne: “Ditutu ditòoke kulwadi ne kukwangata, e kukwambuladi mwaba ùtùvwà awu kuyadi neebè kule, ditàngile ku wesètè.” Aci’s civwa nkumpàlà kwà cipaapu cyà musàkà anyi ní ncinyì cyônso. Yéyè ne: “Kukwambuladi ditàngile ku wesètè. Ki mémè kwasa mwadi, kuya mu mìsèèsù.”

²⁷⁷ Yéyè ne: “Paanyimà pàà katanci mémè kuya kasòmbe ku mèèsà. Kwenzekabi ne ntapè dísu ku mutù kwà mèèsà aku.” Kwambayè ne: “Mvwa mwà kumòna ne bààbúngì bàà kunùdi, bàvwa batòoke bu nèjè.” Wamba ne: “Wêwè uvwa mwimàne mwaba awu.” Ki yéyè ne: “Wêwè kwakula ne bukòòkeshi. Kakùvwakù dibùka to.” Yéyè ne: “Muntu yônso ùvwa ùmvwa ànu menemene cyúvwà wamba aci.”

²⁷⁸ Kaa, mwanèètù wa balùme, mwanèètù wa bakàji, mpindyewu, muntu ne muntu wa kunùdi mmumanyè, ndi mumanyè cidì aci cyùmvwija. Nwamònu anyi?

²⁷⁹ Tàngilàayi ànu cyanàànà! Shààlaayi pabwìpì ne Kilistò. Lekèlaayi nnùdimwijè mpindyewu, mémè bu mwambi wa Èvànjeeliyò, bwà cyòci eci. Kanwàngaci dikùtakana nànsha dikesè to. Kanùdifwànyikijidi cintu nànsha cìmwè to. Shààlaayi mwaba awu too ne pàdi munda mwà munda amu mwèla longò mu Díyì, ne nudi nusanganyiibwa ànu mu Kilistò, bwalu aci ke cintu cìmwèpelè ciikalà mwà . . . Bwalu, tudi mu cikondo

cidi citàmba kuseeswisha cyà kacya bàatùlela. “Ncifwànyine kuseeswisha Basungula mene bu ne bivwa mwà kwenzeka,” bwalu bàdi ne dilaabiibwa, bàdi mwà kwenza cintu kanà cyònsò bu mùdi bakwàbò bònsò.

²⁸⁰ Kezùlaayi nsòmbelu yènù. Futàayi mabànzà ènù. “Kanwikadi dibànzà ne muntu to,” mmwàkambà Yesù. Mpindyewu, mpindyewu, ndi muswè kwamba ne, bu mùdi difucila dyà nzùbu webè ne bikwàbò, bikèngela ùcyènzè. Umushaayi bintu byènù byònsò ku byanza. Longololaayi bintu byònsò. Dilongòlòlaayi. Dilongòlòlaayi. Vùlukàayi ne, mu Dìna dyà Mukalenge, cintu kampànda cidi pabwipi ne kwenzeka.

²⁸¹ Nènyè mu tukùna lumingu elu, kabiyi ànu menemene bwà kukalemba nshìndi to; mu bushùwà bwà bwalu, ntu muswè kuzomba nshìndi. Kàdi ntu mpàtuka nya kuntwaku bwà kiipàcilà aka, ngàmba ne: “Éyi Nzambi, ncyèna mumanyè ne njila wa kuya ngwepi to, ne ncyèna muswè kupangila eci to. Nkwàcishèku.”

²⁸² Nwànsambidilaayikù. Nenùcyènzè anyi? Nèngiikalè nnùsambidila. Ndi ntèkemena ne, ku luse lwà Nzambi, nèntwilanganè ne muntu ne muntu wa kunùdi, ne tudi tukasangila mu Ditùnga dimpè kutàmba edi nùnkù.

²⁸³ Kàdi citùdi tulwila apa ncinyi? Citùdi munkaci mwà kwenza ncinyi? Tudi tulwa mwab’ewu, bwà kunàya anyi? Tudi tulwa mwab’ewu, tutwilangana bu diswa anyi? Cidi, Kilistò kèna mwà kulwa pàdi Èkéleeziyà awu kàyi mwakàne cishiki nànsha. Yèyè mmutwìndile. Ngèèla meeji ne tukàadi ku ndekeelu.

²⁸⁴ Tàngilàayi, mu Californie. Tàngilàayi bimvundù. Tàngilàayi bantu dikumi ne citèmà bàdìbo bashipè, bwà disungulujangana. Ncivwa munwàmbile, mwab’ewu ànu àbìdì àdì paanshi aa ne, Martin Luther King awu ùvwa mwà kulombola cisàmbà cyèndè ku dishipiibwa anyi? Mbanganyi bàdi bavùlùke aci? [Disangisha didi dyàmba ne: “Amen.”—Muf.] Kì mbòbò bantu bafìike abu to; mbalombodi bàdi bàbàbùndulula abo. Kì ndisombela pàmwè, ditapulujangana, ne cyònsò cidìbo baswè kucibiiikila aci to; ndyabulù. Ncyà bushùwà. Kì ng’ànù batòoke to, mbafìike pààbò; mbòbò bònsò. Ndyabulù.

²⁸⁵ Cyumvwilu cyà byeledi byà meeji ne dilukakaja dyà lungenyi byà muntu mbinyangùke. Kakwènakù ditèkemena to. Bikaadi mene bisambùke ditèkemena. Cintu cyònsò mu kaabujimà ncibolè cinunka. Byeledi byà meeji byà muntu; kabèèna mwà kwangata mapàngadika to.

²⁸⁶ Mèmè ncyèna mwena cidiidi to. Ncyèna, ní n’Démocrate anyi Républicain nànsha. Bònsò mbakooyike. Mèmè ndi bwà Bukalenge bùmwpelè, ne bwinè abu m’Bukalenge bwà Yesù Kilistò. Kwàjikì. Kàdi kacya nukàdiku bamòne pa buloba apa musumbà wa biyàmbàyàmbà byà mùyaayà lupeepelè bu bitùdi naabu mpindyewu ebi, bu musumbà wa beena mu

Texas utùdì naawù kuntu kwàka awu anyì? “Mòna’s,” mùdìbo bàmba, “cyònsò cìdì bantu baswè aci! Bòbò baswè communisme, netùbàpèèshè communisme. Bòbò baswè disombela pàmwè, netùbàpèèshè disombela pàmwè. Bòbò baswè ditapulujangana, tudì tufila ní ncinyì cyònsò.” Cìwà . . . Muntu ùdiku penyì’s?

²⁸⁷ Éyì Nzambì! Aci’s ncyènze ànu bu cyambilu. Muntu wèpì’s, muntu udi bulelèlè muntu, udi wimanyina mèyì makùlù? Bakàjì bàdì biimanyina mèyì makùlù bàdì penyì? Èkèleeziyà udi wimanyina mèyì makùlù ùdì penyì? Mémè ncyènà ne dībà nànsha dikesè dyà kujìmija bwà bintu bitundùbile to, bitulùmùkè, nyumà wa didyà dyà cibàngà nànsha. Mukàjì yèyè mukàjì, mulekèlaayi ikalè inàbànza. Mulùme yèyè mwikàle mulùme, mulekèlaayi ikalè mulùme.

²⁸⁸ Pìikalàye ùdì mfùmù wa ditùnga . . . Baa John Quincy Adams bèètù abu bàdì penyì? Baa Abraham Lincoln bèètù abu bàdì penyì, balùmè bàvwà bashìndàmeene pa mèyì makùlù abu’s? Patrick Henry wetù awu ùdì penyì, yèyè wàkamba ne: “Anyì nudi numpà budìikadidi anyì nudi nunshebeya awu”?

²⁸⁹ Muntu udi mwimànyine cìdì cijaalàme ùdì penyì? Muntu udi kàyì ùcìina bwà kwakula ku cyàbwàshì awu wèpì? Nànsha byòbì ne, buloba bujimà bùdì bùbèngangana nendè, ùdì wàkula ku cyàbwàshì bwà cìdì cijaalàme; ne ùcìtwa nyama ku mikòlò ne ùcìfwila. Wetù Arnold von Winkelried ùdì penyì leelù ewu? Bantu bàà bujaalàme bàdì penyì? Bantu bàdì ne nyumà bèpì? Mbatàmbe kutundubila ne kutulumuka mu mùshìndù wà ne kí mbamanyè kaaba kàdìbo biimànyine to.

²⁹⁰ Nzambì, ndekèlèkù ngiimanè ne mèyì makùlù à Muntu umwèpelè, bu mwambi, Dìyì dyà Yesù Kilistò. “Bwalu maulu ne buloba nebijimine, kàdì Dyòdì adi kadyàkupangilaku to. Pa lubwebwe elu Nèngiìbakilèpu Èkèleeziyà Wanyì; biibi byà ìfernò kabàyakumutàmba bukolè to.”

Tujuukilàayi kuulu.

Mwonjì wùdì wùswikakajà ùbèneshiibwe
Myoyi yètù mu dinanga dyà bwena Kilistò;
Bwobùmwè bwà meeji à buuwetù
Mbufwànàngàne ne bwà ku Dyulu.

Mpindyewu kwàtanganàayi ku byanza muntu ne mukwèndè.

Patùdì tutàpuluka,
Bìdì bitùsaama ku mwoyi;
Kàdì netwikalè ànu baswikakane mu mwoyi,
Ne batèkèmenè bwà twatwilanganakù
cyàkàbìdì.


Too ne patwàsangilà! too ne patwàsangilà!
Too ne patwàsangilà ku makàsà à Yesù;
Too ne patwàsangilà! too ne patwàsangilà!

Nzambi ìkalè neenù too ne patwàsangilà
cyàkàbìdì!

²⁹¹ Twìnyikààyaaku mitù yètù mpindyewu, pàdì Mwanèètù Neville utùtangalaja apa, ne mwâkù wà disambila.

²⁹² Nwàlukile dilòòlò edi, mpindyewu. Tudi bindile disangisha dinène dilòòlò edi, ku tabernacle eku. Nzambi ànùbènèshè. Nènku nwànsambidilaayikù; nènùnùsambìdìlè.

²⁹³ Kanwèdi meeji ne ndi mukoleshi wa maalu to, balundà bàànyì. Kanwèdi meeji ne ndi nkeba bwà kunwòmekela bujitu to. Ndi munùnange. Ne mèmè ndi ne dīyì dikùlù kampànda, m'Bible ewu. Dīyì nànsha dīm̀wè kadyèna mwà kuumushiibwaKù to. Dīyì nànsha dīm̀wè kadyèna mwà kusàkidiibwaKù to. Ne mèmè ndi nDìitabuuja mùshindù wùdiDi difùndiibwe awu.

²⁹⁴ Twìnyikààyi mitù yètù mpindyewu, ne mpaasàtà wètù mwìmpè, wa lulamatu ewu àtangalaje disangisha. Nzambi àkubènèshè, Mwanèètù Neville. 

65-0815 Kàdi Kwênà MuCimanyè To
Branham Tabernacle
Jeffersonville, Indiana États-Unis

CILUBA

©2024 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Dîyî dya bwena-cintu

Makenji ônsò tudi badilaminyine. Mukanda ewu udi mwa kutuuciibwa pa mabeji ne cyamu cya kwebe kumbelu bwa mudimu webe wêwê anyi bwa kupeeshangana, kabiya bya mfranga to, bu cintu cya kutangalaja naaci Evanjeeliyo wa Yesu Kilsto. Mukanda ewu kawenaku mwa kusumbishiibwa, kuvudijjiibwa bya bipitepite, kwediibwa mu cibànzà cya lùntàndalà, kulamiibwa mu cikàlwilà, kukudimunyiibwa mu myakulu mikwabo, anyi kulombesha naawu mpetu kakuyi mukanda wa cishimbi-dîyi wa dikwanyishila mukufundila kudi Voice Of God Recordings® nansha.

Bwa kumanya maalu makwabo anyi kupeta bîngà bintu bitudi naabi, anyisha webeje:

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

www.branham.org